



Trois actes gais en wallon liégeois

De

PAUL BOLLAND

D'après

« La bonne adresse »

De

Marc CAMOLETTI

PERSONNAGES

Palmire artiste peintre
Janète servante
Louwise professeur de piano
Gabriyèle propriétaire

Spartacus
Bièstrand
Bèrnard
Amadeus

Un salon chez Gabriyèle Del Brisedèwe. Au premier plan jardin, la porte de Palmire. Au deuxième plan jardin, la porte de Louwise. Au premier plan côté Cour la porte de la chambre de Gabriyèle. Au deuxième plan côté Cour la porte de la chambre de Janète, cuisine, escalier de service.
Au fond, au centre, une porte d'entrée donnant sur l'antichambre de l'appartement.

Canapé, fauteuils, table, chaises, téléphone.
Au lever du rideau, aucun personnage n'est en scène. On entend jouer du piano. Palmire entre sortant de sa chambre. Elle va frapper à la porte de Louwise

(la plupart des indications scéniques de Marc Camoletti ont été respectées)

PRUMIRÉAKE

Sinne 1(Palmire –Janète)

P. Assez,assez ! (Elle essaye d'ouvrir la porte mais elle est fermée.Le piano se fait plus fort.)Dj'ènn'a-st-asseez !...Dj'ènn'a m'cou plin !...(Appelant) Janète ,Janète ! (La musique monte encore). Janète !...

J.(entrant) Vola,vola. ...Qui s'passee-t-i ?....

P(désignant la porte) Vos n'ètinez rin ?...

J. Mins qui volèz-v qui dji fèsse ?

P. Fez l'tère !...

J.Coula ...on veûrê bin !(Elle va vers la porte de Louise) Et qwè,la d'vins ! Stop s'i v'plêt !... (La musique continue plus fort) Djans...s'i v'plêtCink minutes di paye !...(la musique s'arrête) Ah...ça i èst !...Adon,èstez-v'binâhe ?....

P.Awè...tot rawårdant li tsunami qui vint....

J.Awè mins qui fât i fé ?

P.Dj'ènnè sé rin mins por mi impossib^d'ovrer....Kimint volez-v' èsse àrtisse-pondeû èt fé dès bélès teûles avou in-arèdje parèye ?....

J. Ca va s'arindjî

P.C'èst vos qu'èl dit todi !...

J.Poqwè ?

P.I m'fât-st-in-ome...awè.... mins atincion....nin l'prumîr ome vinou !

J. Coula,c'èst sûr èt cèrtin...Bin toûrnêye come vos èstez,vos mèritez onk nin come lès ôtes...

Mi ,par ègsimpe,dji n'so nin trop mā...mins dji tome todi so dès vîs pal'tots...

P.Mins ci n'èst nin in-ome po cou qu'vos pinsez !...

J.Ah bon...dj'aveûs pinsé...

P.Nèni.Qwand dji dis « nin l'prumî v'nou »,c'èst pace qui i m'fât-st-on spéciyal :Homo,qwè !

J.Ah bon ...N'oyîz nole sogné... Ci n'èst nin çoula qui māque !.. Po l'djou d'oûy,i corèt d'vins totes lès rowes...à l'cowêye...onk podri l'ôte....

P.La , vos sondjîz...

J.Siya,siya...i n'a pus qu'çoula !...

P.Atincion...qwand dji dis « Homo »,dji djâse bin sûr d'ine « Homo erectus »....

J.Ah ...erectus...Adon,çoula,ça n'si trouve nin è pas d'on dj'vâ !...

P.Mins nèni...c'èst dè latin !

J.Dè latin ?...

P.Awè...li lingadje dès Romins

J . Ah..è bin,èl fât saveûr !

P.Adon ...dji mète è walon...homo erectus...

J.C'èst dè latin !

P.Awè èt ça vont dîre « in-ome drèssî »

J.Ah ,vola...

P.Superman ,qwè !...

J.Awè,awè... Si dj'a bin compris..homo erectus è latin,c'èst Superman è l'anglèz !...

P.Vola...

J.Awè...mins è walon,c'èst qwè ?...

P. C'est-in-ome avou on cwér...li pus bê...li pus peûr...li pus bin fêt...come Constant l'Marin !...

J.Bin..ça n'deût nin èsse ahèye à trover !...

P.Oh nèni...Et portant,i m'ènnè fât onk...dji n'a pus nou temps à piède...po fê Spartacus !...

J.Spartacus ?....Sparta..qwè ?...Sparta...

P.....cus !...awè !

J.C'est co dè latin çoula ?

P.Bin awè...Spartacus...c'est-on Rômin ...

J.Ah , dji comprind...C'est djasusse...Vos èstez -st-ine artisse...vos avez l'feû...i v'fat-st-in Italiyin !....

P.Vos èstez bouhale ou qwè !....

J.Qui volez-v' ?... I n'a dès djoûs insi !...

P.Spartacus...c'est l'nom d'in-èsclâve...mins d'in-èsclâve qui s'a rèvolé èt qu'a r' pris s'lîberté...

J.Adon,ci n'est pus in-èsclâve !

P.Nèni mins i m'fât onk come modèle...

J.Modéle di qwè ?....

P. Dè Spartacus qui dji vou so m'teûle...

J.Vola...dj'i so...Vos volez Homo erectus po fê Spartacus !...

P.Vola...vos-î èstez !

J.E bin...dji n'areu may crèyou qu'dj'areu compris l'latin si vite !....

P.Vos vèyez bin qui c'n'est nin mälähèye !...Po l'concoûrs so l'lîberté,dji vou mète Spartacus so m'teûle !...

J.Dj'a tot compris !...

P. Vola...(Elle est allée à sa chambre,elle revient avec un châssis entoilé dont on ne verra que le dos.Palmire montant le tableau à Jeannette)Vola...Dj'a tot fêt...saf

Spartacus...Tinez...Loukîz là....Qui vèyez-v' là,so lès cossins ?....

J.(se penchant) On dîreut qu'on s'a coûkî d'sus !

P.Vos-î èstez !

J.Awè mins...i n'a nolu !...

P.Djustumint....C'est l'plèce po Spartacus...C'est là qu'dj'èl va mètetot nou !...

J.Tot nou...al l'tâve po magnî...i n'frè sûr nin dès têches so s'cravate !....

P.Janète !...Et si gangne li concoûrs,c'est 5000 Euros por mi...pus' in-ègadjmint èl publicité...Adon...dji louwe in-atelier...fini l'piano d'maleûr...èt l'propriétaire qui groûle...(Elle reporte le tableau dans sa chambre)

J.Awè... C'est bin bê mins po trover onk,farè po k'mincî sèpi kimint qu'c'est fêt on Parc astus !

P.Bon...dji v'va mostrer....Metez-v' là....Spartacus a dès bons gnérs,dès gros mitchots,on vinte tot plat,ine narène come on crapôd achou so s'cou, on front qui lêt veûy li sûtisté...Li pê...tote breune,qui lüt come li solo so l'Bèrwène à prétimps...ine loumîre qui r'glatih so lès deûs mèrvèyes di d'rî...

J.C'est qwè...lès deûs mèrvèyes di d'rî ?....

P.Lès fesses qwè !...

J.Ah bon ...mins èl fât dîre...Awè... Wice trover deûs fesses insi parèt ?....

P.Minme si n'lès a nin mins i fât qu'aye l'êr d'in-ome ...Mins dji n'a trové nouk divins lès Académies...

J.Les Académies ?....

P.;Awè...c'est là qu'd'abitude on trouve lès modèles...

J. Awè... C'est come vos dîrîz...ine S.P.A. wice qu'on pout tchûzi si Parsactus
 P.C'est parèy !...Mins pol'moumint,dji n' trouve rin !...(La musique du piano recommence) Et
 cisse là qui ratake !....
 J.Ele rèpète po sès scolîs....
 P.Elle ènn'a nin !
 J.Bin !c'est si en cas...
 P.Qu'ell'e ènnè qwîre !...
 J.Awè mins c'est qui sès scolîs, on n'lès trouve nin d'vins lès Académies come po lès
 Saparcus...
 P.E bin,èle n'a qu'à mète ine pitite anonce ...
 J.Ine pitite...bin awè... Ci n'est nin bièsse çoula...
 P.Po m'rimerci po m'idêye èle poreût s'arèster,nèni ?...(la musique s'arrête)
 J.Tins...On dîreût qu'elle a -st-étindou...Mins,dj'î tûze chal...Ni mètrîz-v' nin eûne,vos...ine
 pitite anonce ?...
 P.Por lèy ?
 J.Mins nèni...po Tarpascus...
 P.Pinsez-v' ?
 J.C'est sûr...Mi ,dji m'sovin qu'ine feye,divin ine anonce,dj'a trové ine cok'mâr sins parèy...
 P.Awè...mins inte ine cok'mâr èt on Spartacus...
 J.Ah...à pôr li bûzète dèl cok'mâr,c'est todi l'minme diâle...
 P.Bin awè...tot bin tûzé...poqwè nin ?...qu'est-ce qui dji riskèye ?....(Elle prend un bloc et un
 crayon ;elle s'assied et elle écrit).Adon...Qwi.Hom.Erec po fé Spar.
 J.Qwi.Hom.Erec.po fé Spar ?...mins qui volez-v' dîre ?
 P.Mins enfin,Janète...Qwire Homo erectus po fé Sparta....
 J.....cus !...Dj'a compris !
 P.Vos vèyez bin...
 J.Awè...po scrîre tot coûrt,c'est comme li latin :i fat s'î fé,tot simplumint...après,ça va tot
 seû...
 P.Po'l pus sûr...dji va todi mète ossu :P.P.S....
 J.Kimint P.P.S....C'est co po racoûrci...Po l'parti sôcialisse !...
 P.Mins nèni...mais qwand on -z-est dè mèstî, on comprind tot fi dreût...
 J.Awè...dj'î so ...P.P.S. po pondre Sarpactus...
 P.Mins nèni P.P.S...Pids prôpes seûl'mint !...po racoûrci...
 J.Awè..come racoûrci,c'est...
 P.Pace qui lès pîds,c'est fwért important ! (Elle écrit).Adon...rèponse po d'min après
 l'dîner...èt dji mète l'adresse... (Elle finit d'écrire) Vola...
 J.Bon,si v'volez,djèl pou pwèrter so l'côp...
 P.Awè ?...Coula,c'est binamé (La musique reprend) E pwis,nonna...ça m'frè prinde l'êr...èt
 r'pwèzer mès-orèyes ... (A la porte de Louise) Assez !...Assez !....
 Louwise. (voix off,flûtée,délicieuse et musicale) M EEE RDE !
 P.Vola ... Avez_v'oyou ?...Et al copète dè martchî ,èle m'akème !...Rik'nohez tot l'minme
 qu'elle a dès sotès fives (Elle sort en claquant la porte d'entrée sur l'antichambre au moment
 où...).

Louwise (entrant) Mins qui s'passe-ti don chal ?
 Janète.I n'a qu'Palmire ni supwète pus d'ètinde vosse musique !...
 L.Mins qwè ?...Dj'a louwé cisse tchambe et dj'i fê çou qu'i m'plet !...
 J.A d'vins,awè mins li brut,i heût foû ...
 L.C'est çoula...tinez avou lèy !...
 J.Mins nèni...Mi,li musique,ça n'mi djinne nin...Dji dîreû minme qui dji m'ènnè foute...mins
 lès ôtes !...
 L.C'est-insi portant... Coula fêt dè bin di s'direûdi...
 J.Awè...mins nosse Dame non pus n'inme nin qu'vos flahihe so vost'instrumint...
 L.Ah...mins si dj'aveû dès scolîs,èle n'ètindreût pus rin...
 J.On p'tit pô tot l'minme...
 L.Nèni...On n'pout nin djouwer dè prumî côp..I n'a dès èsplicâcions à d'ner divant d'fè dèl
 pratique...
 J.Ah bon ?
 L.Mins awè,i n'a l'solfége...kimint qu'i fat mète sès mins...sès deûts...enfin tot
 qwè !...Adon,à k'minç'mint,lès scolîs ni djouw'rît nin...èt mi non pus...
 J.Awè,d'acwér...mins après ?...
 L.Après ?....I s'î mètrît bin sûr mins dj'areû gangnî dès çans' èt avou çoula dji poreû aller en
 audit...
 J.En auto ?...
 L.I En audit...orium... C'est dè latin !...
 J.Eco dè latin !...I va faleûr qui dji m'î mète...Et çoula vout dîre ?.....
 L.Ça vout dîre ine piéce spéciyale,djusse avou on piyâno...
 J.Ah..E bin,qui rawârdz-v' po prinde dès scolîs ?...
 L.Mins lès prinde wice ?....I fat dès k'nohances po-z-esse kinohowe et qwand v'-z-èstez
 k'nohowe,vos trovez dès scolîs !...
 J.Et kimint féve po-z-esse kinohowe ?
 L.Dj'a mètou dès p'tites afiches à Consèrvatwére..
 J.Ca n'vât rin !...à Consèrvatwére,i n'a qu'lès muzicyins qu'lès léhèt...èt zèls,i n'ont nin
 mèzâhe d'aprinde li musique !..Nèni,çou qu'i fat,c'est-ine anonce divins ine bone pitite
 gazète...
 L.Pinsez-v ?
 J.C'est str...Tinez...l'ôte djoû,dj'a trové d'vins ine anonce ine pêre di solés po m'bê-
 fré...mins i n'lès a nin volou...èt dji l'a todi so lès brès'
 L.Vosse bê-fré ?....
 J.Mins nèni...li pêre di solés !...C'est po v'dîre qui si on trouve dès solés,poqwè n'trouvreût-
 on nin dès scolîs ?...Di tote manîre,lès scolîs -come i n'kinohèt rin - i djouwèt come dès
 pîds...Pîds,solés,scolîs...Sûvez-v' ?....
 L.Nèni...nin fwért bin...
 J.Ci n'est nin grâve...Tinez..Dji v'zèl va fé,vost'anonce...(Elle prend le bloc précédemment
 utilisé...)
 L.Mins qu'alez-v' mète ?....
 J.(écrivant) Bin..dji n'sé nin ,mi... Par ègsimpe...D.L.P....
 L.D.L.P. ?
 J.D.L.P. !...po racoûrci.... Done lèçons d'piyâno...
 L.Est-ce assez,pinsez-v' ?....Et si on mètéve ossu P.P.S. ?....
 J.Awè...bone idêye !...P.P.S Pîds prôpes seûl'mint !...

L.Mins enfin... Poqwè « Pids prôpes seul'mint » ?...

J.Bin , à case dès pèdales,hin !...

L.Mins nèni,nèni... è lingadje dès piyânissses,P.P.S.,çoula vout dîre « Po l'prumî

solfége »..c'est-on racoûrci...

J.Mins l'racoûrci,c'est co pus deûr qui l'latin !...Enfin !...(Ecrivant) Adon..dji mète

l'adresse...Et vola...

L.Mâdjinez-v' li tièsse qu'ele vont fé qwand dj'arè trover dès scolis !...

J.Ah,po çoula ...

L.Mins...Dj'i tûze chal... Vos v'plindez todi d'esse tote seûle...enfin.. qui v'n'avez nouk

po...

J.Awè...po...po...po çou qu'dji sé bin...

L.Mins adon,poqwè n'mètriz-v' nin vos ossu ine pitite anonce ?...

J.Awè,po co toumer so on vî pal'tot !...

L.On n'sé may... Vos n'pièrdez rin à sayî...

J.Tot bin compté,c'est vrèye...dji n'i aveu may tûzé...

L.Bon.Dji m'dispètche po qu' l'anonce passe dimin (Fausse sortie) Motus,hin !

J.C'est djuré...

L.Ah,quéle tièsse qu'èle vont fé,lès deûs grigneûses !...

J.;Mins awè,min awé...

L.Ah,dji so binahe...binahe !...

SINNE 3 (Gabriyèle-Janète)

Gabriyèle (entre dans un grand mouvement) Mins enfin ,Janète,qui s'passe-t-i co chal ?

Janète . Rin...c'est come tofér...

G.C'est bin çou qu'dji dis... Ci n'est pus possib...Pus possib...Dj'enn'a m'sô dè viker avou cès pwètes Pif-Paf... Cisse musique !...èt cès odeûrs !...Mon Dju...cès odeûrs !...

J.C'est lès odeûrs di çou qu'i fat po fé dè teûles !...

G.Nèni...c'est trop' ...C'est-à v'sefoker...

J.Mins ,Madame...

G.Dji v'-z-a dèdja dit di loumer Mam'zèle !...

J.Awè,Madame..

G. Dj'a stu trop bone !...Bêcôp trop bone ...Ca fêt trop lontins qui m'veye chal èst-on calvêre... èt sins m'plinte !...Mins oûy...dj'enn'a mès cint kilos...avou cès madrombèles,dji finihrè as Lolâs...

J.C'est dès artisses !.....

L.Et mi ?... qui so-dje ?...

J.Ca,c'est sûr..Vos nn'estez eûne ossu...Mins,ele sont bin binamèyes avou vos...Ele ni raminèt may nolu è leû tchambe !...

L.Bin,n'maq'reût pus qu'çoula,tins....Qu'élé prindihe mi mohone po on bordê èt qui dji veûreû chal li diâle divins leûs cotes...minme si mi ossu dji l'immreû co bin d'tins-in-tins d'vins lès meûnes !...

J.Dji deû dîre,Madame,qui vos èstez co fwért...frisse !...

G.Djustumint !....I n'fareût nin creûre qui dj' a r'métou m'comèrce po d'bon !....

J.Bin sûr...

G.Simplumint ,dj'espére qui dji n'a nin pièrdou l'abitudo dis tos cès djeûs -la

J.Oh,vos savez...c'est come li vélo...ça n'si roûvèye nin !...

G.Tot djasse...Come dè roter !...Adon,totes lès deûs,nos irans viker à l'campagne !...

J.Oh,nèni !...

G. Mins siya !...

J.Mins nèni !..Po trover çou qu'i m'fat,dj'inme mî di d'mani chal...

G.Vos m'avez dit qui vos n'troviz qu'dès vîs racagnac' ...

J.C'est vrêye,adon qu'mi,dji n'vou qui dèl djônesse èt nin ok qu'il a dèdja plou d'ssus !...

G.E bin,à l'campagne,dji nos trouv'rè qu'équèes bës-omes...bin fris' ...come lès froumadjes ...

J.Mins djustumint là,i n'a qu'dès flérants d'Hève !...

G.Ni d'hez nin dèz biëst'rëyes.Lès-omes dèl vèye sont todì nähîs èt c'est po çoula qu'i n'sont pus fris' ...

J.Awè,li vèye,ça n'radjônih'nin !...

G.(se regardant dans une glace) A qui l'dihez-v' ?....Seûl'mint po fé dèz knohances,i fat-st-aveûr on pô dèz çans' di costé...awè,qwè...po lès extras...adon,c'est dècidé :dji'm va louwer tote êtire !...

J.Vos ?

G.Awè !

J.Cou qui vout dîre qui vos'v'-z-alez fé payî ?...

G. . Bin sûr...

J.Mins par qui,Madame ?

G.E bin,par in-ome ou par ine feûme...c'est tot l'minme...

J.E bin,Mon Dju...Dihez !...

G.C'est-insi !

J.Et vos pinsez qu'vos-z-î arivrez ...kimint qu'vos-èstez !...

G.Oh,i n'a nin tant d'apartumints so l'martchî !

J.Ah ?...Vos djâsîz d'l'apartumint ?

G.Bin awè...qui s'reut-ce ?....

J.Ah,awè...nèni...Enfin,dj'aveû pinsé...

G.Pinsé qwè ?...

J.Nèni,nèni...rin,Madame...Mins come vos avîz dit « Dji m'va louwer tote êtire »....

G.Bin awè,bin sûr...El plêce di louwer deûs tchambes...dji va louwer l'apartumint tot êtire...

J.Awè,d'acwér'd,d'acwér'd...C'est pus clér !...

G.Avou lès lodj'mints qui m'quêt,dji trouv'rè-st-in-amateûr tot fi dreût.Dj'areû d'vou î tûzer pus vite !...Dji va mète ine pitite anonce !....

J. Ine pitite...

G.Bin awè..Ni m'rilocukîz nin avou cist'êr di boubiè !...Vos savez bin çou qu'c'est...ine pitite anonce ?....

J.Oh awè ,Madame,c'est on racoûrci...

G.Vola...E bin...i n'a nole minute à piède...(Prenant un bloc de papier et écrivant)C'est come si c'esteût fêt ...L.B.M.

J. L.B.M. ?....

G.Louwe bèle mohone !...

J.Ah,awè...bin sûr...Mins...èsse assez ?...

G.Vos avez rèzon...Dji va co mète... P.P.S.

J . Ah ! awè...P.P.S. : po l'prumî solfège !...

G.Qui racontez-v ,don ?...

J. Asteûre,dj'î so :P.P.S.... pîds prôpes seûl'mint !...

G.Mins enfin,Janète !...

J.Ci n'est nin co çoula ?...

G.Mins nèni..P.P.S.,ça vout dîre « Po prinde li solo »...LBMPPS : « Louwe bèle mohone po prinde li solo »

J.Mins,c'est bin sûr !...Elémentaire,mon cher Watson !...E bin,i fat s'î fé,å racoûrci !...C'est pus deûr qui l'latin..Mins,dihez,Madame...dj'î tûze...Ci n'est nin possibl!

G.Kimint nin possib?

J.Et lès deûs mam'zèles,vos deûs lôcatères,qui vont-èle div'ni ?...

G.Ah,ça li novê lôcatère n'ârè qu'à lès mète à l'ouh !...

J.Mins chal,èle fêt leû mèstî !

G.E bin,èle-z-iront ovrer ôte pa !

J.Vos n'f'rez nin çoula,Madame !...

G.Nèni !...Dji m'va djinner...D'abôrd,dj'élzî rind chèrvice..I n'a qu'tot hinant lès djins è l'êwe qu'on l'zî aprind à nêvî !...Ni'sont-èle nin grandes assez po -s'sètchî di spèheûr ?Mi,qwand dj'esteû al fleûr di l'adje,dj'esteû dèdja,come Aznavour...so l'hôt d'lafiche !...Ah...di m'timps !...On-z-aveût dè stoumac' ...Et si dj'a lèvé l'djambe. ...

J.C'est pace qui vos n'arîz polou fé ôt'mint !...

G.Mins ,dji n'vis djâse nin d'mès-avinteûres !...

J.Ah,nèni ?...

G.Nèni...Dji v'djâse dè tèyate...

J.Ah,bin sûr,mins come vos l'avez lèvé tot l'timps !...

G.Si dj'a lèvé cisse djambe...tofer li minme...li drêute...c'est pace qui...

J.(enchainant)...dè l'ôte di costé,ci n'esteût nin si bê...

G.Kimint l'savez-v' ?

J.C'est vos qui m'l'a dit !...

G.C'est vrêye,d'on costé c'est-on profil Rubens...

J.Et d'l'ôte costé...ça vint dèl Foire aux croutes !...

G.Awè,c'est bon !...ça va...Ni v'mâdjinez nin qui dj'a lèvé cisse djambe po rin !...

J.Ca a bin rapwèrté ?

G.Awè mins on n'lîve nin l'dreûte djambe trinte ans à long sins qu'ça n'nâhîh ' ...

J.Awè,vos arîz d'vu candjî d'djambe...Ça vos âreût r'pwèzé !...

G.Awè...mins sins Rubens

J.Awè...c'est vrêye ...dji l'aveû roûvî...et portant,qwand on l'veût,on n'èl sareût nin roûvî...

G.Dj'a stu ine steûle,savez ...

J.Awè...çoula,vos m'l'avez dit ossu...

G.Et dj'a mètou l'feû a tèyate...

J.On l'sé,Madame,on l'sé...

G.Et pwis,come totes lès steûles,dj'a flawi...

J.Awè..ine steûle filante !...

G.Mins oûy...ha,ha...tot va ridiv'ni pus bê...dji va r'viker...dji va riv'ni...

J.Vos alez rataker à fé l'artisse ?...

G.Nèni...Asteûre,dji va viker po l'plèzîr...Mi sacoche èt m'tchapê...Vos n'trovez nin

qu'c'est-ine bone idêye ?...

J.(sortant dans la chambre)Vosse tchapê ou vosse sacoche ?...

G.Nèni...Mi p'tite anonce !...

J.(revenant avec le chapeau)Ah,awè...Mi ,avou ine pitite anonce,dj'a -st-avu ine bèle pêre di solés !...

G.Enfin,bon...Asteûre,dji m'dispierte...Dji so dispierteye !...

J.Poqwè ?...Vos dwèrmîz ?...

G.Nèni...Sîya !...Asteûre,dji sinq qu'por mi,c'est fini,l'ourbîre wice qui dj'esteû...mi ..ine lodjeûse ?...est-ce à creûre ?...poqwè nin ine chèrvante tant qu'on-z-î esteût Mins,c'est fini...Vo-r'-chal li steûle !...(Elle esquisse un entrechat)E final dè fameûs « Sodome et Gomorrhe »,dj'aveu -st-èl min li banstè dèl ritchèsse !...

J.Est-ce qwand vos avîz cink' plomes è cou ?

G.Kimint l'savez'v ?...

J.E bin,c'èst vos qui m'l'a dit co traize côps !...
 G.Awè...c'èst drôle !..Dji m'rèpète sovint qwand dji djäse di mi !...
 J.C'est come tos lès artisses,Madame
 G.Ah,dj'esteug....dj'esteûs...à dâner on saint !....
 J.Avou lès deûs vosses...Enfin...eh...dji vou dire :ça valéve li côn d'oûy !....
 G.Mins asteûre,dj'a dès éles...
 J.Wice coula ?...
 G.Là,d'vins lès rins !
 J.Dji n'veu rin !...
 G.Ele arrivèt...Vo-l'zès-la...Dj'élzè sin ...Dj'élz'a...Ca i èst...Dji m'va-st-èvoler...Dji
 m'èlîve...Dji vole...disqu'à l'gazète !..Li gazète dèl Lîberté !...(Elle sort.On entend un grand
 bruit de chute).
 J.Damadje qu'èle a piêrdou sès plomes à cou...ça lî areût chèrvou d'G.P.S....Mins,après tot,si
 ça rote po lès-ôtes,poqwè nin por mi ?....Et pwis,si dj'èl fê d'chal,ci sèrè so l'compte da
 Madame !...(Elle prend un journal,regarde l'en-tête et compose un numéro).
 Allo ?...Bondjou !...Li chèrvice dès anones s'i v'plêt ! Mèrci...Allo ?...Awè....Qwè ?..lès
 mots à mète ?...Awè,mins d'abôrd,vosse gazète,est-èle sérieûse ?...Pace qui,mi,lès vîs
 rahis',dji k'nohe !...Ah,vos n' prindez nin tot l'minme qwè !...Adon,ça va !..Bon
 vola...Qwire in-ome parfêt tot avå...Qwè ? ...Awè Q.O.P.T.A Et pwis,ci sèreût P.P.S.
 awè P.P.SPo Potchî Sovint ...Ca va ?...Savez-v' bin qu'ine fêye,dj'a trové ine pêre di bès
 solés...adon,dj'a l'èspwér di trover ,come on dit è francès, « chaussure à mon pied » ...Bin
 awè,Solés...Pîds...Solés...vèyez-v' çou qu'dji vou dire ?...Nèni ?...C i n'est nin
 grâve !..Ah,awè..l'adresse !...S'adrèssî chal »...Wice ?...Minchal !...S'adrèssî
 chal..L'adresse ,c'est chal...Mins puski dji v'zèl dis !....

Sinne 1 (Louwise,Janète)

(immédiatement,Louise entre.Elle regarde sa montre,puis elle appelle vers la deuxième porte)

Louwise. Janète !...(Janète entre)

Janète.Awè....Vola...qu'i n'a-t-i ?..

L.Dji so bin trisse,savez...

J.Awè ?...Poqwè ?...

L.Enfin...il-èst dèdja cink' po treûs !...

J.Et adon ?..I n'fat nin piède èspwér !...

L.Min siya... Ca n'intèresse personne !....(Elle frappe le journal qu'elle tient)

J.Mins lès djins n'rouflèt nin so l'gazète insi,savez...

L.Dji n'dimande nin l'impossibl',portant...Nin dîh...nin minme cink'...Mins onk !..Onk !...Ca m'freût télmint plèzîr !...

J.E bin,c'est çou qu'dji dis...Cou qu'i fat,c'est l'prumî...Après,ça vinrè tot seû..C'est come po les campes à l'porcëssion !...

L.Ah...li Bon Dju v'-z-étinde !...

J.Mins awè...ça va roter !...Dj'èl sé...dj'èl sin...mi fène gueûye,qwè !...Et dji so sûre qui vos serez binâhe...

L.Come vos èstez binamêye...

J.Mins nèni...Mi ,dji so bin è m'pê qwand dji veû qu'lès-ôtes sont bin è leû pê...minme si n'ont nin l'minme caractère...Tinez...Madame,par ègsimpe...èl fat dîre : èle èst-on pô...spéciyâle...

L.Coula,c'est vrêye !

J.E bin,Palmire...on pout dîre qu'èle èst spéciyâle ossu...

L.Awè...Mins ci n'est nin l'minme qui vosse mësse !

J.Vola..C'est çou qu'dji dis...C'est difèrint !...Et minme vos...vos èstez on pô...kimint dîre ?...on pô...

L.Spéciyâle ?...

J.Nèni...fwért à vosse manîre...E bin,mi,dj'inme bin coula...dj'inme lès ártisses !....(on sonne)

L.N'a-t-on nin soné ?...

J.Oh,siya,siya...

L.Pinsez-v' qui c'est lu ?...

J.C'est sûr qui c'est lu...

L.Mi prumî scolî !...

J.Dj'èl sin !...

L.Oh, Janète !...qué boneûr !..(on resonne)

J.Bon.E bin,dji va tot dreût vèyi qué genre qu'il a ...

L.Nèni,nèni...Dj'î va mi minme...Mi ossu,dji so sûre qui c'est lu...

J.Awè,awè...Alez-î !...

L.Ah ,dji n'mi sin pus !...Btrèfèle di djôye !...

J.Ah,çoula,dj'èl veû bin...Et mi don,èt mi don !...(Louise sort et Jeanette aussi).

Vwès da Louwise. Moncheû ?
 Vwès da Spartacus. Dji vin\$ po.....
 Vwès da Louwise. Po l'ponce ?....
 Vwès da Spartacus. C'est coula...Po l'ponce...
 Vwès da Louwise..E bin...intrez, intrez...(Spartacus entre.Il tient un casque de moto).

Spartacus. Dji "v'rimercih..Bondjou,Madame
 Louwise. Mam'zèle !...
 SP. Oh,mande èscuse !..
 L. I n'a rin po coula..
 SP.Bon..è bin..vola ...Dj'a léhou vost'anonce..
 L.A wè...mins c'est bin coula èt c'est po coula qui v'z-èstez chal..
 SP.Tot djasse...Mutwèt bin qui dj'areû d'vou ariver pus timpe..
 L.(très aimable) Mins nèni..I n'a rin d'mâ fêt...
 SP.Ah bon...tant mî...I fat-st-étinde qui dj'a -st-avu on displit avou m'moto ...èt dj'a v'nou
 bin pahul'mint à pîds...Piyano ,Piyano,qwè....
 L.(riant) Piyano,awè !...èle èst bin bone !...(faisant de l'esprit) Vos avez dèdja ataké tot
 v'nant,qwè...
 SP.(la regarde sans comprendre) Oh...awè,awè...
 L.Dji so Louwise Clavier
 SP.Ah...Estchanté...(il s'incline) ..Spartacus ...
 L.Kimint ?
 SP.Dji m' lome Spartacus...
 L.Ah bon...Fwér bin...
 SP.Vos n'trovez nin ?
 L.Mins siya..Chaskonk a s'nom..
 SP.Et s'prôpe manîre...
 L .Awè bin sûr...Achihez-v'...
 SP.Si vos l'volez...
 L.Mins awè...I fat d'abôrd qui dji v'done quéquès èsplicâcions...
 SP.C'est come vos l'ètindez..
 L.Dj'a tofér fêt insi èt ça a tofér bin d'né...
 SP.Bon,bon...Chaskonk si manîre...
 L.Vola...Dj'a l idêye di n' nin fé pus' qu'ine eûre po-z-ataker
 SP.Awè,c'est mî...D'ot'tant pus qui dji n'kinohe nin l'pôzicion qui v'-z-inmez l'mî...
 L.Kimint ?...
 SP.Awè..Dji tûze a crampes...
 L.Les crampes ?...
 SP.Bin awè...vos savez çou qu'c'est...les mimbes ècwèdlés...
 L .Bin sûr,mins...
 SP.Bon..E bin,c'est po coula qui dji 'v'di qu'i vat mî di n'nin fé pus' qu'ine-eûre...
 L.Ah,vos l'pinsez ossu ?...
 SP.C'est sûr..A case dês crampes !...Minme si on z-est stockès' ...li crampe,c'est l'crampe !...
 L.Awè,awè..E bin,houtez...nos veûrans coula l'moumint v'nou
 SP.Awè mins çou qu'i-n-a,qwand ça vint..ça arrive tot dreût...sins prév'ni...paf !....c'est trop
 tard !...

L.D'acwér̄d,d'acwér̄d..bon...Dji'v dihéve don qui dj'atake par dès èsplicacions..

SP.Ca n'mi n'd'rindje nin...ça n'mi d'rindje nin...

L.Adon,nos èstans d'acwér̄d ?...

SP.Bin sûr...Mi,dji so -st-à vosse chèrvice...

L.Nèni,nèni...C'est mi qui....(Spartacus va de cour à jardin avec son casque)..Bin,qui qwèréz'v ?...

SP.Bin po mète mès moussemints ! ...

L.Vos moussemints ?....

SP.Bin awè..po z-ataker à mète mès- afères (il montre son casque)

L.Mètez -l' wice qui v'volez...

SP.(étonné) Mi,dji vou bin...mins ça va fé k'tapé...Mins qui vou-dj'dîre ?... come l'anonce ni d'héve rin...mande èscuse di v'djâzer d'coula...mins èl fât portant bin...

L.Mins nèni,nèni...Djâzez fou dês dints !...

SP.E bin vola...Dji voreû bin saveûr...po lès cans' ?....

L.Oh,Moncheû...Vos èstez bin binamé d'ènnè djâzer d'ine manîre si....si....qui vint dè coûr...

SP.C'est-à dire qui....por mi,mî vât ènnè djazer divant qu'après....

L.Vos avez bin rèzon !...

SP.I fât bin viker,nin vrêye ?....

L.Awè...

SP.Et tot ovrèdje deût èsse payî ...

L.Dji – v' rimèrcih d'èl prinde insi !...

SP.Nèni...Chaskonk mèrite di gangner s'crosse !...

L.Vos èstez vrêyemint binamé...

SP.Nèni,nèni...c'est normal...Adon,po ine eûre,c'est k'bin ?...

L.E bin vola...Dj'aveu tûzé...(riant,un peu confuse)..Po v'dîre li vrêye,dji n'î a nin co tûzé !...

SP.Enfin,d'âbitude...

L.Awè,d'âbitude,dj'a-st-on tarif ...

SP.Ah nèni,nèni...nin kèstion d'tarif !... (il se lève)

L.Mins,Moncheû...

SP.Non,non èt non....Li tarif dè sindicat,c'est ine mizére..Avou coula,nin minme mwèyin di s'payî ine bone côt'lète ou ine bone treûte...Adon...

L.Adon,Moncheû...dinez -m' li pris qu'vos volez...

SP.Ah,insi,ça va...E bin,sins aller trop long....

L.Dihez vosse pris !...

SP.Cint eûros,çoula îreût-i ?...

L.Cint eûros ?...

SP.Awè...èstez -v' d'acwér̄d ?...

L.Oh awè,c'est fwért bin...

SP.En tout cas,por mi,ça va...

L.Adon,c'est ètindou !

SP.C'est dit(il lui serre la main)..Alans -î ...

L.Bon...vola...Lès èsplicacions d'abôrd !...

SP.Awè,vos m'l'avez dèdfa dit...

L.C'est pace qui dj'ratakéve...

SP.Dj'aveû compris !...Excusez-m' co...mins vos pinsîz fé k'bin d'eûres ?...

L.Oh...c'est dè vêyî si nos alans vite ?...

SP.Adon,inne dîhinne,tot à pus'...

L.A m'idêye,ènnè farèt sûr pus' qui dîh !...

SP.Al bone ?....

L.Houtez ,Moncheû... Dji n'vou nin fé l'malène mins,por mi,i färèt pus'qui dîh eûres...
 SP.(il se rassied dans le fauteuil).Alez,alez... Ni m'racontez nin dès craques... Si vos n'arivez
 nin avou dîh eûres,c'est qu'vos tchipotez...

L.Mins nèni,Moncheû...

SP.Siya,siya...D'abôrd,ça s'veût... vos tchipotez avou vos èsplicâcions...

L.Mins Moncheû...

SP.Dji n'a rin conte lès èsplicâcions mins çou qu'dj'ennè dis,c'est po v'fé fé dès spâgnes...lès
 çans',c'est lès çans'...

L.Mins dj'èl pinse bin... Adon,dji-v' èsplikéve...(Spartacuslève le doigt)... A fond dè
 colidôr,à gôche..

SP.Qwè ?...

L.E bin,lès....

SP.Nèni,nèni..

L.Ah bon,i m'sonléve

SP.Nèni,nèni,mèrci..C'esteût djasse po saveûr si l'eûre à cint eûros atakéve qwand dj'a-st-
 arrivé ?

L.Bin sûr...c'est m'manîre à mi d'ovrer...

SP.Bon.C'est l'minme por mi...Come i n'a dèdja on qwärt d'eûre qui vos djazez,c'est dèdja
 vint-cink' eûros...

L.Awè,mins douç'mint,Moncheû Spartacus...i n' fat nin voleûr fé dès mohes à deûs
 côps...Minme si dji comprind\$ qu'vos trèfelez po -z-intrer è monde dès mistères dès
 artisses...

SP.Artisses,artisses...i n' fat nin brâcler...

L.Ni sèyîz nin trop mòdèsse...Dj'a-st-è l'idêye qui vos n'estez nin l'prumi v'nou...

SP .Ah,çoula,on m'l'a dèdja dit...sins voleûr fé l'malin...

L.Bon ,dj'aveû bin vèyou... Wice ènn'esteû-dje ?...avou totes vos kesses et vos mèsses,dj'a
 piérdou lès pèdales...

SP.E bin,qwand vos ârez r'monté so vosse vélo,vos m'direz si c'est bin sûr qui tote eûre
 atakéye,c'est ine eûre à pâyî...

L.Bin awè..N'est-ce nin djasse ?

SP. I m'èl sonle bin.Siya..Tot à fêt djasse....Mi ossu,dj'inme çou qu'est bin clér..Cint
 eûros... On 'nnè djase pus :c'est réglé..Adon,à nos ôtes,l'ovrèdje bin djoyeûs èt bin fêt !...

L.Mins awè,mins awè..Adon ,po v'bin -z-èspliker...

SP.Awè...m'èspliker...(Spartacus se promène)

L.Awè mins vos n'avez nin l'ér di m'sûre...

SP.Siya,siya..N'âyîz nole sogne..alez-î,alez-î...Mi,dji r'louke on pô vosse mohone...ci n'est
 nin mâ...

L.Awè..ci n'est nin mâ...

SP.Damadje qu'on-z-èst en plin solo !...Ca fêt tot djène...

L.Kimint ?

SP.Nèni,dji d'héve çoula insi...Mins mi, ine fignièsse à solo,dj'èl veû d'on prumi cô
 d'oû...a casé dèl loumîre..Vos savez tot çoula,bin sûr...

L.Bin awè,awè..Bon..adon,ratakans...(Elle se prend comme pour réfléchir)

SP.(lui tendant ses mains sous le nez).Kimint lès trovez-v' ?...

L.Qwè don ?

SP.Mès mins !

L.Ele sont fwért pitites !...

SP.Fwért pitites ?...Adon là,vos vêyez bablou !...

L.Mins dji deû dîre qu'èle sont qwand minme fwért pitites.Après tot,nos èstans là po nos dîre
 li vrêye,nèni ?..

SP. D'acwérd,d'acwérd... On pout trover à r'dire so tot...mins nin so mès mins !...
 L. Nos veûrans à l'zès d'reûdi...ça l'zî f'rè dè bin !...èt vos mins gangn'rans pus d'niér!...
 SP.Dè niér !...Madame !..i n'a qu'dès niérs chal....Tot çoula,c'est dès niérs...
 L.Oh,Moncheû,dji d'héve çoula po vosse bin....
 SP.Awè,mutwèt...mins enfin...Avu dès mins insi...Mins vos n'trouv'rez nin deûs parêyes so
 l'plèce Sint-Lambert
 L.(regardant les mains)Mins..Pèrmètez... Volez-v' bin ployî vos deûts ?...
 SP.Tos lès cink ' ?...
 L.Awè
 SP.Ah,çoula,dji n'sareû..
 L.Kimint çoula ?...
 SP.Dji di qu'dji n'sareû...
 L.Kimint ?..vos n'savez nin ployî cès deûs deûts la ?...
 SP.Sûr qui nèni...Dj'a-st-avu lès deûs deûts cassés et lès niérs ni s'sont nin r'mètou...Ca m'a-
 st-arivé qwand dj'esteû mohe ...
 L.Mohe ?
 SP.Mohe ,awè..Nin mohe avou dès éles bin sûr mins come bocseû
 L.Ah,pace qui vos avez-stu bocseû ?...
 SP.Bin awè..Tote ine annême (il se tape d'une main le dessus de l'autre) Totes lès mohes
 qui dj'a sprantchî vis zèl dîront !
 L.Dj'ennè so tote rimouwêye..
 SP.Mins nèni,mins nèni...
 L.Siya..Si vos n'polez ployî cès deûs deûts la,c'est on maleûr por vos !...
 SP.Et m'dreûte min,qu'ennè féve di m'dreûte min ?...
 L.Li drêute min ni pout-èsse tot avâ (lui examinant la main droite) Et d'abôrd,vosse gros
 deût m'a l'ér tot drole !...
 SP.Bin awè..Madjinez-v' qu'on djoû,dj'a hipé so ine ohê d'djigot..Pan...Dji n'a rin
 sintou..C'est tot djasse si dj'n'a nin makké d'mète li bokèt qui pindéve è pakèt dèl cande...
 L.Ah,pace qui vos avez fêt èl tchar ossu ?..
 SP.Awè...après l'danse...
 L.Li danse ?...
 SP.Awè...Inte li bocse èt l'sacisse,dj'a stu professeûr di tango...Dji so-st-ine artisse,dji fêt
 d'tot..
 L.C'est mutwèt po çoula qu'vos mins...
 SP.Ni v'tracassez nin por zèls,alez !...
 L.Nos sérans bin oblidjîs d'ovrer so Stravinsky ou Bela Bartok èt nos n'porans fé pus' qui dèl
 crômatique...
 SP.Ca,c'est come vos l'ètindez...
 L.(navrée,désignant les mains de Spartacus)Enfin...nos f'rans avou çou qu'nos
 avans,parèt !..Bon...dji-v'-z-èsplikéve qui...
 SP.Et qwand vos veûrez mi stoumac'..Totes lès feûmes ènnè sont bleuves..Bleuves,come à
 Dalem !...Et minme lès omes...c'est po v'dîre..Adon,ça m'èwarreût qu'vos ossu n'ènnè sériz
 nin bleûve..
 L.Alez ,alez,Moncheû..sèyans sérieus èt ni v'mokez nin d'mi...A l'ovrèdje !..
 SP.Mins,Madame,dji n'mi moke nin d'vos..Dji v'zèl va mostrer,mi stoumac' puski vos n'mi
 crèyez nin !...(il sort la chemise de son pantalon et lui montre son ventre)
 L.Mins dji v' creûs so parole,Moncheû...
 SP.Mins nèni...
 L.Mins siya,Moncheû ,dji v'creûs..

SP.(il remet sa chemise dans le pantalon)Bon..nos veûrans çoula pus tard !...Dji sé bin 14
qu'avou vos,c'est d'abôrd lès èsplicâcions...Dji deû dire qui vos avez bin fêt di mète P.P.S
L. C'est sûr !...

SP.Awè,asteûre,i s'fat dismèsfiyî..Oûy,lès djins ni savèt pus çou qu'c'est l'calité !...

L. Awè,bon...dji continouwe...

SP.Alez-î,alez-î..ça n'mi n'd'rindje nin...

L.Dji dîrè qui dji tin d'abôrd à bin v'fé k'nohe lès vîs ôteûrs...On pout classer lès vîs ôteûrs
en treûs partèyes(Sp.s'est assis sur le canapé et commence à délacer ses chaussures)Dji n'
en djas'rè nin dès tchanteûs èt dès rîmeûs dè temps da Charlemagne...(Sp. a ôté ses chaus-
settes et posé ses pieds sur la table basse devant le canapé)..Avez-v' m'a vos pîds ?...
SP.Nèni,nin du tout...C'esteût po v'mostrer,so l'timpsd' vosse prêtc'hî,qu'avou mi,n'a nin
mèzahe di marquer P.P.S....Dj'a l'rinom d'esse parfèt,mi....

L.Dj'ènnè dote nin !...

SP.(étendant les pieds)Tinez...loukîz d'pus près !...

L.Mins,Moncheû...dji v's-è prête !....

SP.Mins loukîz,loukîz...come ça blinke !...on dîreût dès pîds dè vîle Egipte...Et là..vos
vèyez qu'i n'maque nin li pus p'tit bokèt !...(il remue ses orteils)

L.Awè,awè...dj'èl veû !...

SP.Non,mins inte di nos-ôtes...avez-v' may vèyou dès pîds insi...prôpes,bin inrit'nous,
blinkants...On dîreut qu'i sôrtèt d'on mûzeye...

L.Awè,enfin..Moncheû...rimètez vos solés !...

SP .Sins lès tchassètes ?...

L.Nèni,nèni,rimètez tot !...

SP.Tot ?

L.Awè,tot !...

SP.C'est bon..c'est come vos volez..mi dji so gây avou tot !...Dè mons qu'c'est cint euros
l'eûre èt l'eûre atakèye èst payêye,dji r'prind mès bijous èt dji rawâde bin pâhul'mint di v'
mostrar tot !...(il remet ses chaussettes et ses chaussures)

L.Mostrar tot ?....

SP.Bin awè...l'ome êtîr qwè !..Mins dihez m'èl èdon,qu'dj'a dès pîds come on n'è veût
wêre !...

L. Awè,awè...

SP.Et avou dès pîds insi,Madame,dji pou tot fé...tot !...

L.Awè,tot !...saf mutwèt,djouwer dè piyano ! ...

SP.A,djouwer dè piyano !Avou lès pîds !...ci n'sèreût nin m'a !...

L.Awè,bon...Enfin,todi 'nnè-st-i qui vos-èstez chal po-z-ovrer !...

SP.Dji n'rawâde qui çoula !...

L.Mins,Moncheû...vos n'mi lèyîz nin djâzer !...

SP.Mins dj'èsteû dèdja so lès « starting blocs »...Dji bodje mès solés,mès tchassètes..P.P.S.
.pas d'problème !...èt vos m'arèstez !!....

L.Mins Moncheû,dji n'vou nin vèyî vos pîds :c'est bin m'dreût !...

SP.D'acwér'd mins fat bin ataker par on costé ou l'ôte po z-ariver à èsse tot nou !...

L.Tot nou !...Enfin,Moncheû,vos n'avez tot lm'mine nin è l'idèye dè djouwer dèl grande
musike tot nou !...

SP.A,po fé dèl grande musike,dji n'î so nin co !....

L.Dji m'ènnè dote !...

SP.Portant,dji n'djouwe nin ma dè côr di tchessse !...

L.On s'ènnè foute !...Volez-v',awè ou nèni,fé dè piyano ?...

SP.Fé dè ... !A,dj'î so :vos volez prinde Spartacus djouwant dè piyano !...

L.Moncheû,dji v'-z-è prèye...Dj'atake à piède pacyince.Adon,volez-v' djouwer dè
piyano,awè ou nèni ?...
SP.Dè piyano !...Poqwè fé ?...
L.Dji n' rèye nin Moncheû !...
SP.Mi non pus,Madame...
L.Adon qwè,vos n'volez nin aprinde ?...
SP.Dji v'di qu'nèni...

SINNE 3 (Janète –Spartacus –Louwise)

Janète (entrant)Mins qui s'passe-t-i ?...Qui n'a t'i don ?....
Louwise I n'veut nin aprinde li piyano !...
J.Nèni ?...
Spartacus Non !...
L.Mins c'est foû dèl bonète !C'est-à n'nin creûre !Poqwè ni m'l'avez-v' nin dit ?
SP.Vos n'm'avez rin d'mandé...Et pwis -rif-raff - vos m'djâsez d'piyano !...
L.Mins adon,si vos n'estez nin chal po çoula,qui fez-v' chal ?...
SP.Dji piède mi temps !...
L.Coula,c'est l'boukèt !...(à Janète) Vos,fez sôrti ç'cadèman la sins tchik'ter !...
SP.Ah,min... Stop hin là ...Dj'a-st-ssé houûté vos bièstrèyes.Adon si-v'-z- avez touîrné
casaque,payîz- m' èt dj'ènn'irè !...
L.Vis payî ?...Vis payî qwè ?...
SP.Trinte-cink' minutes d'ovrèdje !...Tote eûre atakèye deût èsse payèye !...
L.Awè,c'est conv'nou !...
SP.Adon ?...
L.Adon,vos m'divez cint eûros !...
SP.Qwè ?...Qui racontez-v' ?...Nèni,dj'a m'a oyoo ?...
J.Nèni,ni v'-z-ènervez nin !....
L.Mins qué numéro !..Tapez-l' à l'ouh !..Et c'n'est nin lès ponnes di m'dirindjî po dè- fêtè
candes !...(Elle rentre dans sa chambre en claquant la porte)
SP.(se précipitant vers sa porte) Quéne cande don ?...Nèni mins ça n'va nin ?...Et mès çans'
mi ?...
J.(le rattrapant)Mins nèni,mins nèmi...Ine minute...Dji va -st-arîndjî çoula ...
SP.Mi temps,c'est dès çans' !...Dj'a d'né m'timps :qu'on m'done mès çans' !...ou bin dji
spèye tot chal....
J.Mins enfin..vos èstez bin v'nou po l'anonce ?....
SP.Bin c'est sûr qui dji so v'nou chal po l'anonce !....

SINNE 4 (Gabriyèle-Spartacus-Janète)

Gabriyèle (entrant de sa chambre en peignoir) Ah,vos v'nez po l'anonce ?....
Spartacus Bin poqwè sèreû-dje là ?...(à Janète) Qui èst-ce ?...
Janète. Djustumint !...Cisse qu'a mètou l'anonce !...
SP.Mins l'ôte adon ?...(Il désigne la porte de Louwise)
J.L'ôte ?...Ine èreûr !...
SP.Ine èreûr ?.....

J.Come dji-v'-z-èl di !...Enfin ci n'esteût nin l'bone qwè !...Adon qu' lèy !...(Elle désigne Gabriyèle)
 G.Escusez m',Moncheû mins dji n'aveû nin tûzé qu'vos arîz stu si vite po rèsponde !...
 SP.Vos l' vèyez puski dj'so là !...
 J.Dj'alez-v' djustumint v'prév'ni qu'Moncheû èsteût là !...
 G.Dji féve ine pitite sokète èt m'chèrvante a todi sogne di m'dispirter..Mi sokète...c'est sacré après l'eûrêye !...
 SP.Awè,c'est bon po...l'coleûr dèl pê !...
 G.Dji pinse come vos !... (à Janète).Ca va,Janète, vos nos polez lèy!...
 J.Bin Madame...
 G Mam'zèle !...
 J.Awè,Madame ...

SINNE 5 (Gabriyèle-Spartacus)

Gabriyèle. Dji so sûre qui nos nos arindj'rans bin !...
 Spartacus.Come dj'ètind vos èscûses po m'aveûr fêt ratinde,dji n'a rin à dîre :c'est nikel !...
 G.Adon,tot irè bin !...
 SP.Cà,i m'fat d'abôrd sèpi...
 G.Sèpi qwè ?...
 SP.Vos èstez bin chal è vosse mohone ?...
 G.Mins naturél'mint...c'est mi l'mësse dèl mohone...
 SP.Adon,c'est sérieûs ?...
 G.Bin,c'est sûr...C'est da meune lès meûbes,lès meûrs...tot qwè !...Sont _ - i à vosse gosse ?...
 SP.Lès meûrs ?...
 G.Nèni,lès meûbes ...
 SP.Bin,c'est dès meûbes qwè !...
 G.Tant mî vâ qu'i v'conv'nèsse !...Louwis Qwinze...Tot noû !....Mins dj'a roûvî di m'présinter...po v'mète à l'âhe...
 SP.Ah mins...dji so-st-à l'âhe...dji so tofér à l'âhe ... (se présentant) Spartacus...à vosse chèrvise...
 G.Dji so Gabriyèle Del Brisedèwe...
 SP.Awè ?...
 G.Ca n'vis dit rin ?...
 SP.Euh...
 G.C'est mi qu'esteû...li grande Zèzète !...
 SP.Non ?...
 G.Mins siya...Dji n'sé si vos v'sov'nez d'mi divins....
 SP.Awè...divins Sodome...
 G....èt Gomorrhe !...
 SP.Ah..dji n'saveû nin qui vos èstîz deûs !...
 G.El final !...avou,è m'min,li cwène dèl ritchèsse !...
 SP.Awè !..Qwand vos avîz treûs plomes è vosse....
 G.Nèni,...cink'..Dj'esteu...ine star !...
 SP.Ine star !...Vint fèyes dè balcon...
 G.Vos m'avez vèyou ?....
 S Mi vî grand-péré !...Esteût tot sot d'vos :i v'kinohévé dès pîds à l'tièsse !....

Et mi, qui n' vis a nin rik'nohou d'on cōp !... Avou dèz meūbes insi,dji v'z-a pris po ine vîle tourbale !....Mins vos èstez l'grande Zèzète,adon bravo :vos èstez-st-ine saquî !...

G.Ah,dj'èsteû bèle èdon d'cisse temps la !...

SP.Mins vos èstez co....vos èstez co...co...co...bravo !

G.Trovez-v' ?

SP.C'est...euh...

G.Adon,vos beûrez bin ine pitite gote !...

SP.Bof...si ça v'pout fé plèzîr !...

G.Awè,awè...(elle a pris sur la table le plateau avec une bouteille de pèkèt et des verres ;elle s'est assise sur le canapé et Spartacus est à côté d'elle)Enfin... po v'dîre... dj'a stu râyèye fou dèl glwére !...

SP.Nin possibl'!...

G.Awè...mèsbrudjèye par cink' omes...

SP Lès a -t-on polou arèster ?...

G.I n'm'ont nin mèsbrudjî tos' en minme temps !...

SP.Ah bon !...

G.Mins nèni... I m'ont marié onk après l'ôte !...

SP.Ah..Et bin,dji so bin binâhe dè fé li k'nohance d'ine grande artisse...Mi minme,dj'ènnè so onk !...

G.Ah, vos èstez vos ossu ine...

SP.Awè,ine artisse...à m'manîre !...

G. Awè ?...

SP(se levant) Vos qwèrîz on Spartacus ?...

G.On Spartacus ?...C'est-à dire qui....

SP.Et bin...ni qwèrez pus...

G.Nèni ?...

SP.Dji so Spartacus !...Et Spartacus si pèrmète di lèver s'vere à l'santé dèl grande Zèzète !...(il boit d'un trait tandis qu'elle sirote)

G.Mèrci,mèrci... Volez-v'visiter d'on cōp ?...

SP.Visiter ?...

G.Awè !

SP.Si vos î t'nez !...

G.Ci sèrè come vos volezVos v'dimandez mutwèt poqwè dj'a mètou ine pitite anonce ?....

SP.C'est mutwèt po trover ine saquî qui v'convint !

G.Tot dјusse...èt si vosse grand-pére m'a vèyou vint fèyes divins Sodome,vos m'conv'nez tot à fêt...

SP.Vos m'fez rodjî

G.Nèni,nèni.....Dj'a mètou cisse pitite anonce pace qui dji m'va r'plonkî è monde dèz artisses...

SP.Awè...nêvî ,c'est bon po lès niérs !...

G.Adon,vola...Tos mès omes m'ont lèyî po bin viker èt m'treûzinme ine fwért grande prôpriété,fwért moderne,wice qui dji va fé dèz grandèz belèz fièsses ...

SP.Awè ?...

G.Dès fièsses èl vérdeûr,inte lès abes èt lès fleûrs ...Dès fièsses come li grand Fragonard !

SP.Frago.... ?

G,...nard ! Li grand artisse qu'a pondou lès fleûrs !...Véyez-v' ?..

SP.Awè...dji veu...

G.Ou bin come Boucher ,si vos inmez mî...

SP.Ah,ça...boucher,dji k'nohe...(il montre son pouce)

G.Adon...dès invités qui dansèt divins lès spès djårdins èt qui s'pièrdèt divins lès tèyes,avou dès boujîyes po tote loumîre..Ouh,ouh,ouh...

SP.Awè..enfin s'il ont dès bougîyes,i veûront pus clér !...

G.Awè...Nèni...çou qu'dji vou dîre,c'èst qu'ces fièsses là,ça a sovint on p'tit costé « tchoufte-tchoufte »Enfin..Bon...Dj'a fêt l'boulète di prinde chal deûs lôcatères mins..èle ènn'îront qwand djèl vorè...

SP.Awè...li cisse qui dj' a vèyou torate èst tot à fêt pêtèye !...Ine maniaque po l'pus sûr !... G.Oh ,vos savez...lès feûmes d'oûy n'ont pus l'minme classe qui di m'timps !...Li bon temps dès annêyes 45-46-47-48-49...

SP.(enchainant) 50-55-60...Ad'djudjî !...

G.Dji veû qu'nos èstans d'acwér !..Adon,si v'volez,nos alans ataker par li principa...

SP.Awè,pace qui dj'a dèdja pièrdou ine eûre à ratinde !...

G.Dji m'ènnè vou !...

SP.Mins ci n'est nin d'vosse fate...Mins dj'inm'reû tot l'minme bin qu'on réglêye li problème dès cans'...

GMins,c'est sûr...Dj'aveû tûzé à 9OO eûros....

SP. 900 eûros ?...

G.Awè...ça lès vat bin...Mins ,en sov'ni da Sodome,dji v'f'rè 800 eûros !...

SP. 800 eûros !...

G.Awè...tot compris...mins nin mons qu'on meûs !...

SP.Ah,c'est come qui dîreût...on Marathon !...

G.On meûs,c'est vite passé !...

SP.Awè mins dji n'aveû nin tûzé po on meûs !...

G.Dji sé bin qu'ènn'a qui fêt çoula à l'saminne et ossu à l'djoûrnêye come divins lès ôtéls...

SP....èt minme à l'eûre !...

G.Oh awè,come divins lès ôtéls...spéciyals...mins mi,dj'inme mî à meûs...Naturél'mint si vos avez on lét qui v's inmez bin,vos l'polez apwérter...

SP.Pace qui vos m'velez coûkî ?....

G.Ele fârè bin,m'sonle-t-i...

SP.Ah mi,dji fê come on l'demande...

G.Adon...c'est parfèt !...

SP.Awè mins avou çoula,fârè payî l'vwetûre !...

G.Kimint ça ?...

SP.Pace qui dji magne amon on Chi'nwès,pès dès Guilièmins !...

G.Rin n'vos èspètche di magnî chi'nwès chal !...

SP.Awè mins aller èt v'ni ,c'est bêcôp troter !...

G.Mins vos n'arez pus à roter puski vos serez coûkî !...

SP.Wice çoula ?...

G.Et bin chal !...

SP.Adon ,si dji comprind bin, c'est lodjî èt nouîri ?...

G.C'est sûr !

SP.Et tot çoula avou 800 eûros ?...

G.C'est bin çoula...

SP.Ah..Et bin adon,grande Zèzète....pardon,Madame...dji vou dîre Madame...

G.Mins nèni...alez-î...grande Zèzète...c'est fwért bin !...

SP.Et bin,Zèzète ... à c'pris là,dji so vost'ome...

G.Ah,qui dji so binâhe qui nos sèyans' d'acwér !...

SP.Et bin, come vos èstez d'adreût,dj'èl sèrè mi ossu.C'est po çoula qu'dji- v' deû dîre qu'i m'ariv' d'aveûr dès crampes !...

G.Ah ?...

SP.Awè...

G.Et bin adon, vos v'coûk'rez tot long stindou !...

SP.C'est djusse...dj'aveû roûvî qui vos m'volfz coûkî...

G.Ah..Vola qu'dj'î tûze..Vos avez bin léhou l'anonce èdon ?...

SP.Bin awè !

G.Tot à fêt bin léhou ?

SP.Awè,poqwè ?....

G.Avez-v' bin léhou : P.P.S. ?...

SP.Awè..n'ayîz nole sogne : avou Spartacus,c'est todi djusse !...

G.Et bin...Dji so-st-às andjes qu'on seûye d'acwérdo so tot !...Dji v'dirè qui l'mohone èst fwért pahûle,toûrnaye vè l'solo tote li djoûrnaye...qwand ènn'a,bin sûr !...(elle va vers la fenêtre tandis que Spartacus assis sur le canapé commence à délacer ses chaussures)

SP.Awè,pace qui qwand i plout...

G.Bin awè.Adon,par cisso grande finièsse,on veût bin l'Catèdrale,tot montant so 'ne tchèyîre SP.Awè...min \$tot l'minme,ni droviez nin l'fignièsse !...

G.Vos avez freûd ?...

SP.Nèni mins ça m'djinne !

G.C'est come vos volez !...(elle se retourne) Oh !...(Spartacus a posé ses pieds nus sur la table à côté du fauteuil)

SP.Loukîz on pô cès deûs bijous !...

G.Vis font-i soffî ?..

SP.Rin du tout !..Dèl martchandeye di rwè !...vos avez l'abitude !...

G.Oh,vos savez...lès pîds èt mi !...

SP.Nèni mins rik'nohez qu'i sont magnifiques !...

G.Magnifiques !...Adon ...cès deûs tchambes là (elle désigne les portes correspondantes),c'est lès cisses dês lôcatères qui dji v'djazéve...

SP.Et vos alez vèyî çou qu'vos alez vèyî !...

G.Awè ?...

SP.Dès mèrvèyes...i n'a nol ôte mot !...

G.Awè...(sans le regarder)Adon ,là,à coron dè colidôr,li grande plêce(elle ouvre la porte)..couhène et l'tchambe po l'chèrvante...Lon assez ,a cåse dês odeûrs !...lès odeûrs dèl couhène bin sûr !...(pendant qu'elle parle,Spartacus a retiré rapidement son veston et sa chemise ;il est en pantalon.Il se présente dans une pose d'Apollon classique lorsqu'elle se retourne vers lui) Et di ç'costé là...(réalisant en voyant Spartacus)...Oh mins...Oh !...

SP.Hin..ça freût toumer flâwe édon !..

G.Ah..on l'pout dîre...

SP.Et bin...rihapez vost'alène èt ...admirez !...Coulà c'est dè Spartacus di prumîre dîvizion !...

G.Bin ça...bin ça !...

SP(coupant) Nèni...Ni bodjîz nin !...Ni d'hez rin !...Admirez d'abôrd..Après,vos porez poûgnî d'vins po bin veûy qui vos n'avez nin sondjî !...

G.Mins...

SP.(tournant légèrement sur lui-même)Loukîz bin lès niérs !..çoula,c'est dè stoumac !...

G.Oh awè,awè

SP.Adon chal,loukîz bin li scrène !...Coula,avou 'ne dôuce loumîre dissus..c'est on bijou !...

G.Oh, on bijou !...

SP.Mf...on ...ine pièle come on *nnè veût pus !...Vèyez'v' chal li spale...(il fait manouevrer son bras)

G.Dji veû,dji veû...

SP.Adon,admirerz !...

G.Dj'ènnè so tote bablou !...

SP.Li spale...vèyez-v' come èle si s'tind qwand dji fê rôler li deltoïde(il lève les bras)

G.(baissant les yeux,gênée)Oh awè..li delto... ... ! awè !..

SP.Mins nèni,nins si bas !..Li deltoïde,c'est là..So li spale !...(comme elle a toujours les yeux baissés,plus fort) So li spale,vis di-dje !...(elle lève les yeux) Loukîz !...(ce qu'elle fait)

Vola,c'est là !...Et chal,vèyez-v' li mouv'mint dè grand dint'lé...là... (il lui prend la main et lui fait toucher son flanc,sous le sein) El sintéve li grand dint'lé qui fwèrcihe .. ?

G.Oh,awè,awè,awè ...

SP.I tchante...on direût eûne sî cilindes !...

G.Oh awè,awèpo çoula,i tchante !..

SP.Dj'èsteû sûr qui vos sériz continne !..Et vos n'avez co rin vèyou !...

G.Ah ,nèni ?...

SP.Si dji v'zèl di !...Vos alez vèyî dès djambes èt des molèts qui v'font fê sôrti lès oûys foû dès orèyes !...Atincion !...On -î va !....(Il a ôté son pantalon rapidement avant que Gabriyèle ait pu esquisser un geste et,s'il enlevait encore ce qui lui reste,il serait complètement nu).Hin,qu'ènnè pinsez-v' ?....C'est à roûvî d'rèspirer ,nèni ?...(il ne lui reste en effet qu'un pagne ultra-court en lame doré,à franges dorées également)

G.Dji sèfoke...

SP.Awè...Ça côpe tofér li huflèt !...Ca,c'est dèl prumîre classe !...(il se claque la face externe d'une cuisse) Bouhîz...alez,bouhîz !...

G.Mi,qui dji ?

SP.Awè,i fât bouhî...puski dji-v'- zèl di !...

G.Oh, dji n' wèze nin !...

SP.Ni v'djinnez nin !..C'est mi qu'invite !...(il se re-claque).Oyez-v' ?...come çoula pète !...

Hoûtez-l'... Quéne musike !...alez-î...bouhîz !....

G.Mins enfin...tûzez on pô....çou qu'vos m' dimandez !....

SP.Alez,alez..Zèzète....Ni fé nin li streûte !...Vinez...bouhîz..là...çoula,c'est dès niérs !...

G.(assez gênée mais sans déplaisir)...Oh,awè....awè !...

SP.(avançant sa jambe) Et chal,li niér...bin deûr...qui s'acrotche à gngno !...Pougnîz d'vins !...

G.Dj'èl veû bin...

SP.Mins nèni,i fât pougnî d'vins !...

G.Vrêmint ?i fât... ?

SP.El fât...po-z-èsse bin sûr !...Alez_î !...

G.(tâtant d'un doigt qu'elle retire aussitôt) Awè, awè...

SP.Mins,pougnîz d'vins...Pougnîz di tote vosse fwèce !...

G.(avec deux doigts,confuse)Awè,dji pougne...dji pougne !....

SP.Adon,quènnè d'héve ?...N'est-ce nin dè super homo erectus ?....

G.Oh awè...super eroticus !...Mon Dju !...qui m'fez-v' dîre ?....

SP.I n'a rin à mète foû,èdon ?...

G.Oh,nèni rin à mète foû !...

SP.Ah,tot coulà,c'est à magnî !....

G.(retirant sa main ,vite et minaudant un peu) Oh,Moncheû Spartacus !...

SP. Adon ?... Vos vèyez qu'avou mi... c'est l'gros lot !... Si vos avez mèsahe d'ine scrène qui s'plôye !... Loukîz.. C'est d' l'ôr... C'est l'festivâl Spartacus !...(il prend la position cambrée) Aie !...

G.Qwè ?..Qu'avez-v ?

SP.Aie,aie,aie...

G.Mins qwè ?...Qui n'a-t-i ?...

SP.C'est l'crampe !...Vola...c'est l'crampe !...

G.Ridrësiz-v' !...

SP.Impossibl...

G.Kimint impossibl ?...

SP.Li pèkèt !.. Coula n'vat rin po lès articulacions !...

G.Sayîz dè roter !...

SP.Im possibl... Sout'nez-m'..Aie,aie... Quéne crampe !...Dji so clawé so plèce !...

G.Et bin,disclawez-v' !...

SP.Dji n'sàreù...mi cwér èst ècroukî !...

G.Mins,qui pou-dje fé por vos ?...

SP.Mi r'pougnî...so li drî ... (Gabryèle lui met la main sur le derrière) Nèni,nin là..so li drî...

G.Come çoula ?...

SP.Mins nèni, avou tote vosse min...po disclawer lès ployants...

G.(lui frottant le dos) Come çoula ?...

SP.Aie,aie,aie...

G.Dji v'fê dè mā ?...

SP.Ca n'fêt rin..Alez-î...alez-î... (on sonne)

G (bondissant).On a soné !..Oh ,mon Dju,mon Dju...

SP.Mins nèni,ni v' tracassez nin !...frotez,frotez...

G.Mins dji n'pou nin !...

SP.Poqwè ?...

G.On a soné,dji v'dis... (on re-sonne)

SP.Et adon ?

G.Et adon...èt adon !...dji n'veu nin qu'on m'veûse en plin r'pougnèdje,avou vos...casi tot nou !...

SP.Rin à fé...po m'disclawer,i fat froter...froter...Ah,si dè mons vos avîz ine bone ôle di canfe...

G.(le lachant)Awè...è m'tchambe...vinez...

SP.(sans pouvoir bouger)Avou d'l'ôle,ça irè mî !...

G.Vos v'porez coûkî...Dji v'ripougn're s'tindou so vosse vinte ... (il se soulève et part avec la chaise)Lèyî l'tchèyîre là !...

SP.Nèni...c'est pus ahèye dè roter achou !..Zèzète...Adon..coûkî...vos m' ripougn'rez ... ?
(on resonne)Aie,aie,aie...Mins molo,molo,èdon...Bêcôp dè molo !...Oh ,qu'ça fêt dè mā !...qu'ça fêt dè mā !...

G.Avou l'ôle di canfe,ça irè mî...alez,vinez...

SP.Aie aie,aie...Si on m'aveût dit qu'on djoû,dji sèreù d'vins lès brès' dèl grande Zèzète...èt casi tot nou ...dji n'l'areù mây crèyou !...Enfin...c'est la vie !...

G.Mins awè,mins awè (on re-sonne encore)

SP.Doûcemint ,doûcemint...nin dès chochs,nin dès chochs !...aie,aie,aie...

G.Mins nèni,mins nèni Nos arrivans -st-on lét...nos-î-èstans ...Dji veû l'botêye d'ôle...ele èst là..Li bèle pitite botêye d'ôleEt dji v'va mète so m'lét ... (elle sort vers la chambre tandis que la sonnerie continue et que Spartacus...)

SP.Oh awè...doûcemint,doûcemint...Oh,aie,aie , aie,aie....(les sonneries et les hurlements de Spartacus qui sort)

SINNE 6 (Gabriyèle-Janète-voix de Spartacus)

G.(sortant de sa chambre) Janète,Janète !...
 voix de SPARTACUS Ni m'lèyîz nin,Zèzète ...ni m'lèyîz nin !...
 G.Ah nèni...i n'a pus d'Zèzète...Dji n'vou nin d'on k'twèrdou è m'mohone !...
 JANETE (entrant)Vos m'houkîz,Madame ?...
 G.;Bin c'est sûr !...Ca n'arèsteye nin dè soner !...
 J.Ah bon..dj'i va ?..
 G.Nèni...vos.... alez l'disclawer !...
 J.Disclawer qwè ?...
 G.Cist èmacralé là qu'est tot -st-ècwèd'lé !...
 J.Ecwèdlé avou qwè ?...
 G.Avou sès gnérs !...
 J.Mins qu'est-ce qui c'est po ine èmantcheûre don ?...
 G.Et po l'rimète en marche,mètez lî d'l'ôle so l'moteûr !...
 J.Di l'ôle po fé lès frites ?...
 G.Nèn i...di l'ôle di canfre...po l'dirêni...
 J.Dji n'î comprind rin,mi...
 G.Et wèstez-m' tot çoula so l'timps qui dji va drovi (elle sort dans l'antichambre)
 J.Mins di wice vinèt-ele ,totes cès bagues ?...(elle ramasse tous les vêtements de Spartacus et sort de la chambre)
 Voix de Spartacus Zèzète,Zèzète ! (la porte se referme)

SINNE 7(Biètrand-Gabriyèle)

Voix de BIETRAND Bondjou,Madame...
 Voix de GABRIYELE Bondjou ,Moncheû....
 Voix de Biètrand C'est bin chal po... ?
 Voix de Gabriyèle Po l'anonce ?..Mins awè..Intrez ,intrez !...
 B.(entre suivi de Gabriyèle,chapeau,pardessus,cache-nez,bouquet de fleurs)Mèrci bêcôp..
 Dj'a soné lontins pace qui dji pinse qui n'aveût nouk !...
 G.Et bin,vos vèyez...
 B.Awè,mins come l'eûre dè radjoû n'esteût nin è l'anonce ...
 G.Vos savez...so l'gazète c'est todi en racoûrci et on mète li mons possibl...
 B.Bin sûr,bin sûr...Dji comprind...Dji comprind fwért bin...Di tote manîre,mi,dji n'mi fêye qu'âs gazètes !...
 G.Kimint çoula ?...
 B.Dji vou dîre,par ègsimpe,qui po fé dè sexe,on n'sé mây so qui on pout toumer avou Internet !...
 G.Çoula ,c'est sûr...On v'anonce bleu..èt vos toumez so rodje...on pô come à Dâlem,d'après çou qu'on m'a dit...
 B.Vola..C'est bin po çoula qui,mi,dji n'mi fêye qu'âs gazètes !...In anonce,minme en racoûrci,c'est sérieus puski on va vêyî avou sès ôuys,de visu...vèyez-v' ?..

G.Dji veû fwért bin... Vos avez rêzon ...
 B.Et mi,dj'inme tout çou qu'est sérieûs... dji so contabe !...
 G.Mins mi ossu ...
 B.Ah,vos èstez contabe !..
 G.Nèni...dj'inme tot çou qu'est sérieûs,comme vos...
 B.Ah,awè,awè... Nèni,dji v'di coula po v'dîre qui dji n'a polou v'ni en fin djoûrnêye come
 c'esteût marqué ...
 G.Mins vos arivez djasusse à l'idèye !..
 B.Ah bon..adon,tant mî...
 G.Awè pace qui ine ôte amateûr vint di s'présinter,djasusse divant vos...
 B.Ah bon...
 G.Mins i n'convint nin du tout...
 B.Ah nèni ?...
 G.Nèni...d'abôrd,il èst todi è m'tchambe...
 B.E vosse ?
 G.Awè, s'tindou so l'carpète...
 B.So l'carpète ?....
 G.Awè.A fwèce di s'kitaper,a hoyoû foû di m'lét !...
 B.Di vosse ... ?
 G.Awè
 B.Ah,awè,awè...Et bin,c'est fwért bin !...
 G .Adon,li plèce èst lîbe...
 B.Ah bon...
 G.Awe...èt dji v'va -st-èspliquer poqwè èle èst lîbe...
 B.Oh,nèni !,nin mèzâhe
 G.Ah siya..tot l'minme...Enfin,Moncheû,qui volez-v' qui dji fèsse d'ine ome qu'a dès
 crampes !....
 B.Ca ,dji n'sé nin !...
 G.Ah ! Mi non pus... Adon ?vos,ine pitite gote,ça n'vis fêt nin sogne ?...
 B.(voulant sortir) Nèni ...Mèrci mins...dji n'beû mây...
 G.Mins l'pèkèt,c'est fwért bon...èt ça n'done nin dès crampes !...
 B.C'est bin possibl mins...
 G.C'est dès idèyes d'èmenné...Et vos...vos n'avez nin dès crampes ?...
 B..Nèni...nèni ...
 G.Awè...ça s'veût bin... Vos m'avez l'ér fwért hêtî...
 B.Awè,awè...ça awè...mins...
 G.(lui tendant un verre) Adon,à vosse santé !...Mins bodjîz vosse pal'tot !...Mètez vos afères !
 B.(remettant son chapeau) Nèni,mèrci...nèni..D'abôrd dji m'va r'mète mi tchapê pace qui
 dj'a-st-on freûd !..
 G.Ah bon...mins dji v's-è prèye...
 B.Mèrci
 G.(lui tendant son verre) Tinez.Gostez- m' coula !...
 B.(pose son bouquet sur la table pour prendre le verre)Mèrci...
 G.Oh ! qu'èle sont bèles !...
 B.Qwè don ?...
 G.Bin,lès fleûrs...
 B.Ah,lès feûrs !...
 G.Awè...fwért bèles...
 B.Tant mî vat...mins po v'dîre li vrêye...

G.C'est binamé d'vosse part.Dji sin qu'vos m'alez fé toûrner l'tièsse !...
 B.C'est à dire qui dj'aveû-st-è l'idèye d'élzès d'ner à l'dame qu'a métou l'anonce !...
 G.Et bin awè...awè...c'est mi !...
 B.(la regarde consterné) C'est vos ?...
 G.Mins awè,bin sûr...
 B.Enfin,Madame,ni m'dihez nin qu'ç'est vos qu'a métou l'anonce !...
 G.Mins bin sûr qui c'est mi !...
 B.Et vos l'avez métou ...por vos ?!
 G. C'est sûr...por mi !...Cès afères- là,ça s'fêt sins djinne èdon...
 B.(consterné) Awè,awè..dji n'di nin l'contrâve !...Mins...çoula ni v'va nin du tout !...
 G.Poqwè ?...Qui n'a-t-i ?..Est-ce po lès çans',qui ça v'djinne ?...
 B.Kimint çoula ?...
 G.Awè ! Est-ce lès çans' qui v's-èspètchét di bouhî l'martchî djus avou mi ?....
 B.(évasif) Li martchî,li martchî !...
 G.Awè mins ni v'tracassez nin...Dji f'rè -st-on pris po ine saquî qui m'ahaye !
 B.Awè,awè...bin sûr..Ca,dji n'vis di nin l'contrâve...mins...
 G.Et vos m'ahayez bêcôp...
 B.Awè...mutwèt mins...
 G.Pace qui,si vos d'morez chal,è m'mohone..c'est on pô come on marièdje,èdon...
 B.Mins c'est à dire qui...
 G.Adon,dji pinse qui vos comprinez bin poqwè dji fê l'martchî po mi minme ... (plaisantant)
 Dj'a l'adje,èdon ?...
 B.Ah çoula,awè...awè...pus qu'ènnè fat !..
 G.Vos vèyez bin !...
 B.Awè...djustumint...c'est cäse di l'adje qui ça n'pout nin aler !...
 G.Kimint polez v' dire çoula...Vos n'avez co rin vèyou !...
 B.Ah siya,siya,dj'a vèyou !...
 G.Mins nèni...Mins enfin,dji n'vis a co rin mostré !...
 B.Awé mins c'n'est nin les ponnes di m'mostrer !...
 G.Mins siya,mins siya...Dji so fwért prôpe !...
 B.Dji n'di nin l'contrâve mins...
 G.Esse prôpe,por mi,c'est l'principâ !...Et dji dirè minme qui dji so -st-ine
 ètique !..Adon,chal,vos serez come è vosse mohone !...
 B.Awè,awè mins...
 G.Vèyez-v'..à prumi v'nou,dj'areu d'mandé 800 eûros par meûs !...
 B.(consterné et ahuri) 800 eûros !...
 G.Awè..c'est l' pris dè martchî...On n'pout nin dire qui dj'so tchîre !...
 B.Ah,vos trovez ,...
 G.Nèni...dji sé çou qu'dji vâ !...
 B.Ca, chaskonk tûze çou qu'i vont !...
 G.Vola...èt dji trouve qui dji vâ 800 eûros !..
 B.(la dévisageant) Ça ,c'est vos qu'èl dit...
 G.Awè,dji vâ 800 eûros...mins por vos,si vos m'dinez 750 eûros,ça irè !...
 B.Ah...por mi...750 eûros,ca irè ?...
 G.Awè...pace qui c'est vos !...tot compris !...
 B.Djustumint,c'est à 'nn' i rin comprinde !...
 G.C'est fwért rôzonâbe !...
 B.Rôzonâbe ?...Mins nèni,Madame,ci n'est nin rôzonâbe !...
 G.Mins enfin...avou tot l'bin qu'vos ârez avou mi !...

B.Ah bin...vos n'dotez d'rin !...

G.Kimint çoula ?...

B.Enfin...Riloukîz-v'... et riloukîz -m'.... !

G.Mins dji v' trouve tot à fêt à m'gosse !...Naturél'mint,dji v' dimand'rè dè payî ossu l'êwe,li gaze èt l'électricité !...(elle le fait asseoir dans le fauteuil)

B.Ah,ci n'est nin compris è...

G.Nèni...çoula sère-st-en rapôrt avou vosse consomâcion !...

B.Ah bon...

G.Nos nos veûrans ine fèye par meûs...

B.Ah...ine fèye...

G.Awè...po prinde mès \$00 eûros..

B.Seûl 'mint po çoula ?...

G.Awè...mins dji porè passer tote li nut ' chal si vos avez mèzâhe di....

B.Nèni,nèni...mèrci bêcôp,mèrci...

G.Oh ... qui vou-dj'dire ?... i n'aveût P.P.S. è l'anonce...

B.Awè,awè,dji sé...dj'inme ot'tant v'zèl dîre plat'-kizak...ni comptez nin sor mi po potchî sovint !...(il va s'en aller)

G.Mins c'est à l'idîeye !...

B.Ah bon ?...

G.Awè...pace qui dji n'vou nin inesakî qu'amor'reût chal dès feûmes po spiyî mès camatches

B.Awè mins nin kèstion !...

G.Adon ?ça irè fwért bin...

B.Mins nèni,mins nèni...Ca n'va nin du tout !...(il s'en va) A r'vey,Madame...

G.(le retenant) Mins kimint ?...Vos n'volez nin viziter ?....

B.Viziter ?...nèni ça n'est vât nin lès ponnes !...

G.Mins enfin,poqwè ?...puski dji v'di qu'vos m'conv'nez...

B.Oh 'qui dji v'convinse ,dj'ennè dote nin !...on n'deût nin s'kitchoûki è monteû !...

G.Houtez,Moncheû,dji v's a fêt ine avance fwért ognesse !...

B.Mins nèni,Madame,ci n'est nin fwért ognesse !...

G.Et bin...houtez...dji va co fé ine fwèce...Tinez...avou vos...ci sèrè 750 eûros...tope-là !...

B.;Po 750 eûros ?...

G.Awè..c'est bon,nèni ?...

B.(consterné) Awè...èt bin si,por vos,c'est tope-là,èt bin por mi c'est hop-là...

G.Et bin,ça va ...

B. Nènidji vou dîre...hop-là...dji m'ènnè va...

G.Kimint ?...vos trovez co qui dj'so trop tchîre ?...

B .Minme à ç'pris là ...

G.Houtezdji v'va-st-èspliquer...

B.Mins nèni,Madame,ni m'èspliquez nin...ça n'chèv à rin !...(il va partir.Elle le retient)

G.Mins nèni...rawârdez...tinez...èco on p'tit vêre di pèkèt !...Il èst si bon,èdon(elle l'a servi et va lui donner son verre)

B.Coulà,c'est vrêye...Dè mons,avou l'pèkèt,dji n'sèrè nin v'nou à l'vûde !...

G.Et bin,dji so sûre qui nos alans toumer d'acwéréd !...

B.(tenant le verre) Nèni..houtez...d'acwéréd..po l'pèkèt !...(il boit)

G.(elle le ressert) Ah..adon...èco on p'tit ?...

B.(s'éloignant) Oh..si vos hérîz...

G.Mins awè,mins awè...Lèyiz'v fé !...

B.(buvant et s'en allant vers la porte de sortie) Oh,qu'ça tchafe chal à d'vins....

G.C'est fwért bon po vosse freûd !...
 B(revenant)Ah...adon...(il boit le verre d'un trait) Si c'est bon po m'freûd !...
 G.Awè...c'est fêt avou dès bons pâds d'pèkèt !...
 B.(qui commence à être un peu saoul)Ah...adon c'est fêt avou des pâds qui d'nèt tchôd...
 G.Et bin,bodjîz vosse pal'tot !...
 B.Nèni,nèni...nin mèzâhe... come dji va 'nn'aller ... (en parlant il ôte son pardessus et son veston). Il est en chemise sans s'en rendre compte)Ah awè...rin qu'avou m'veston,c'est mî !..
 G.(le regardant en chemise) Ah...rin qu'avou vosse vèston !...
 B.Awè...bêcôp mî... Pou-dje co prinde ine pitite gote ?....
 G.Mins avou plèzîr... (elle le ressert une quatrième fois)
 B.(défaissant son col) On sint qu'c'est fêt avou dès pâds d'pèkèt peûrs natûre...
 G.Awè èdon...
 B.Ah ,ça ..Awè,dj'aveû sogne qui ça m'âreût fêt sô...
 G.Awè ?...
 B.Awè ! Et bin,nèni...nin du tout...ça n'fêt nin sô... (il est à moitié saoul). Ca tchâfe,c'est tot... (il a toujours son chapeau sur la tête)Et po v'dire qui ça tchâfe,tot-z-arivant,dj'aveû lès plantes dès pâds èdjaleyes...
 G.Lès plantes ?....
 B.Awè,mès plantes... (il se frappe un dessous du pied)
 G.Ah...lès vosses...
 B.Awè...lès meûnes...nin lès plantes di pèkèt... (il se ressert) On veût bin qu'c'est fêt avou dès plantes di pâds d'pèkèt ...
 G.Adon,po mès 750 eûros,dj'inm'reû mî en liquid' ...
 B.(complètement rond et se resservant)En liquid' ...en liquid' !....
 G.Awè...Nin d'chèque !...
 B.(se ressert après avoir bu) Nin d'chèque..en blanc...en p'tit blanc...ah,ah,ah...
 G.Ah bon ?...Adon,nos èstans d'acwérд po l'liquid ' ?...
 B.(se resservant et buvant) Ah çoula,po l'liquid' nos èstans d'acwérд !... (Bertrand se ressert). Ca, on veût bin qu'c'est fêt avou lès plantes dès pâds !...
 G.Nèni,c'est fêt avou lès pâds dès plantes di pèkèt !...
 B.Et bin...c'est bin çou qu'dji di... ((il finit le verre) Po fé l'pèkèt dès houyeûs,lès houyeûs vont so lès pâds d'leûs plantes po qwèri lès plantes dès pâds po fé li hoûyeû dè pèkèt !...C'est clér c ome gayète,nèni ?... (il rit et lève son verre)Mins atincion !...i n'èl font nin avou lès pâds dèl plante mins avou l'plante dès pâds !...A la tienne,Etienne !...
 G.Awè,awè... adon ?...vos m'payîz on meûs à l'avance ?...
 B.A l'avance...à l'avance....d'aloumèdjé !...ah,ah,ah...
 G.Awè,vos m'dinez mès 750 eûros...
 B.Qui dji v'done 750 eûros ?...
 G.Awè
 B.Mins c'est pus vite vos qui deût m'lès d'ner !...
 G.Dji n'comprind nin !...
 B.(il se lève péniblement et titube. Il lui tourne le dos).Enfin,Vénus...loukans nos bëtch à bëtch !...
 G.Awè,qwè ?...
 B.Adon...wice èst-èle passée ?....(Georgette lui tape sur l'épaule et le fait tourner)
 G.Awè,dji so là ...
 B.Ah ?...poqwè avez-v' candjî ?....
 G.Awèadon ?...
 B.Rès pondez !...lisquéle di nos deûs deût payî l'ôte ?....

G.Vos bin sûr !...
 B.Enfin ... Vénus... C'est l'quéle di nos deûs qui s'vind ?...
 G.Et bin... c'est mi... Dji m'vindg à meûs èt avou totes lès ahèsses !... Adon,c'est vos qui deût payî !...
 B.Nèni... mins m'avez'v bin loukî ?...(il défait son pantalon)
 G.Mins... mins qui fez v' ?...
 B.Mins.. Vénus... dji v'mosteûre mès ahèsses à mi !...
 G.Mins qué m'a court-i oûy ?... po bodjî turtos leûs pantalons !...
 B.Ah mins nèni... come vos l'polez véyî,dji so bon po l'classe,mi... Loukîz,loukîz mès djambes (il titube)pace qui minme si dj'esteû-st-à vinde,dji vâreu pus' qui 750 eûros mi !...
 G.Mins c'est foû dèl bonète... vos piérdez l'tièsse
 B.Li tièsse... li tièssedji n'va tot l'minme nin vis d'ner 750 eûros po P.P.S. ine feye par meûs avou eûn' im'meûbe qu'est prêt' à croûler !...
 G.Mins qui racontez-v' ?...
 B.(il se met à courir en titubant en caleçon et en chemise avec son chapeau sur la tête). Pace qui dji vane foû d'chal mi... Et avou vos podrî mi,dji poreû bat' li r'côrd dês cint mètes !...
 G.Mins Moncheu !..
 B.Adon i fat qwèri ine ôte qui mi.Pace qui...étinez-v' Vénus ?..étinez-v' ?...(il s'accroche à elle pour ne pas tomber) Jamay,dji n'mètrè ine min sor vos !...
 G.Ine min sor mi ?...
 B.Awè,sor vos,vosse pèkèt èt l'plante di vos pîds !...
 G.Mins vos èstez bon po-z-alter à Guèl !...
 B.Nèni,c'est vo qu'irè beûre li pèkèt à Liérneu (il lui met son chapeau sur la tête) mins loukîz-v',Vénus...divins on mureû...hic...à meûr ... (il a le hoquet)
 G.Ah ,dji n' vis pèrmètrè nin !....
 B.Cou qu'vos volez,Vénus...çou qu'vos volez (il se ressert en versant tout à côté du verre) Cou qu'vos volez mins mi dji beû à l'santé di m'bèle djônèsse ...èt dji v'di...(il ouvre la bouche pour parler et tombe à la renverse sur le canapé)
 G.Mins ,mon Dju,mon Dju... Qu'avez-v' ?...Mins qu'a-t-i ?..(appelant) Janète...Janète !..(elle secoue Bièstrand inerte.On sonne)Et à l'copète dè martchî,vola qu'on sone !...(appelant) Janète !...Rilèvez'v èdon !...

SINNE 8(Gabriyèle-Janète-Bièstrand-voix de Spartacus)

JANETE (elle entre) Vola,vola..C'est po qwè,Madame ?...(deuxième sonnerie)(voyant Biètrans)Oh,mins qu'est-ce qui c'est ç'vî machin là ?...
 GABRIYELE Mi deûzinme lôcatère !...
 J.Mins poqwè èst-i tot nou ?...
 G.Il aveût trop tchôd èt il a toumé reû come on pèkèt... dji vou dîre come on pikèt !...
 J.Oh come c'est drôle !...
 G.Et l'ôte amateûr,kimint va-t-i ?...
 J.Eclawé po l'bon !...Et i dit qu'i n'a qu'vos,avou vosse doûce min ...
 G.Bon,bon !...et bin si c'est ça,dj'î va... (on resonne)mon Dju..vola qu'ça r'sone... Alez véyî çou qu'c'est !..Et mètez ci spaw'ta d'costé !...
 J.Eh...dinez-m' on côp d'min (elles commencent toutes les deux à tirer Bièstrand vers la chambre)
 G.Ah ,mon Dju ...come c'est pèzant l'pèkèt !...

J.Awè..come ça pout pèzer,hin,on lôcatère !...

G.Oh,awè...I n'a nou risse :ça n'va nin tot seû po louwer ine apartèmint !...

J.Awè...C'est,come qui dîreût...P.P.S.

G.;Kimint P.P.S. ?...

J.;Bin awè...Po passer sot !...(elle ouvre la porte de la chambre)

G.Ni d'hez in dès biès'trèyes..èt houkîz'm si c'est ine ôte amateur...

J.O.K.(Janète tire Bièstrand tant bien que mal dans sa chambre)

voix de Spartacus. (apparaissant à la porte) Zèzète,Zèzète ...i m'fat Zèzète !...

G.(rentrant dans la chambre avec Spartacus) Awè,vola,vola dj'arive !....

TREUZINME AKE

Sinne 1 (Janète-Palmire)

Janète Awè...vola...vola ...Dj'arive...dj'arive...(allant ouvrir)
 Voix de Janète Awè...C'est po qwè ?...A ! C'est vos !...
 Voix de Palmire C'est sûr,hin,qu'c'est mi !...(elle rentre)
 Voix de Janète A...awè...
 P. Vola cink' munutes qui dji sone !...Dj'aveû roûvî m'clé !...(elle tient une lettre à la main)
 J.Kimint l'sâreu-dje don ?....
 P. A..à fêt,i-n'aveût-st-ine lète so l'payasson...(elle la donne à Janète)
 J.Por mi ?...
 P.Nèni...po Louwise !....
 J.Bon...dji lì va d'ner (elle pose la lettre sur le secrétaire)
 P.A -t-i v'nou ine saquî po mi p'tite anonce ?
 J.A ,nèni...por vos,co rin...
 P.Bin binâhe...dj'a pinsé qui dji n'rinteûr'reû nin avou totes cès ôtos ava lès vôyes !...
 J.Mins vos èstez là,c'est l'principâ !...
 P.Pacequi i mèl fat...cosse qui cosse....cosse qui cosse...Dji n'a pus nôle munute à piède (on sonne)On n'a soné...C'est lu !...ça,c'est sûr...c'est lu !....
 J.Dji m'va vèyî...
 P.Nèni,nèni...dj'i va mi minme...
 J.A bon...c'est come vos volez...(Palmire sort)Quéne ovrèdje,quéne ovrèdje !....(voyants les vêtements de Bièstrand) O...mins qu'est-ce qui c'est co,totes cès hâres !...C'est co pé qui l'martchî dèl fièsse à F'neûr !...(elle ramasse et sort dans sa chambre)

Sinne 2
(Bèrnard-Palmire)

Voix de Bèrnard Bondjou,Madame....
 Voix de Palmire Bondjou,Moncheû...C'est poqwè ?...
 Voix de Bèrnard Dji vin po l'anonce...
 Voix de Palmire Awè,c'est bin çoula...C'est bin chal..Intrez,intrez...
 B.(entrant) Merci bêcôp...
 P.(derrière lui) Dji v'ratindéve pus timpe !...
 B.Bin,c'est-à dîre qu'on n'aveût nin marqué l'eûre,èdon...
 P.Dji sé,dji sé...mins dji v'di çoula pacequi c'est mi qu'est fwért tâdrowe...
 B.A mins si dji djinne...dji pou riv'ni ine ôte djoû !....
 P.A nèni,nèni...Nin kèstion ... Vos èstez là...vos èstez là...ni pièrdans nou temps
 avou...Spartacus !...
 B.(croyant qu'elle se présente) A...èstchanté !...Bèrnard Bordier...Bordier ... come on
 Bord...o pardon !...
 P.Awè,dji veu (lui serrant la main) Estchantèye,Bordier !...
 B.Tot fi parèy por mi,Madame ...

P.Adon...instalez-v' ...
 B.Qui dji m'instale ?....
 P.(le regardant) Bin awè...N'avez-v' nin pris avou vos quéquès afères ?....
 B.Dès afères ?....
 P.Bin awè...çou qu'i-v'fat d'abitude...
 B.Nèni, o,nèni...C'est bièsse di s'tchèrdjî po rin !...
 P.Kimint çoula ?....
 B.Enfin,dji vou dire....vini avou 'ne valise sins sépi si on trouv'rè çou qu'on qwîre !....
 P.(le toisant) E bin !...dji n'dirè nin qui c'est çou qu'a d'mî so l'martchî !...
 B.(se regardant lui-même sans comprendre) A nèni ?....
 P.Bof...mins enfin !...minme si c'n'est nin Apolon,nos f'rans avou !...
 B.E bin adon...si vos l'pinsez...(regardant autour de soi) C'est l'pus grande plèce ?....
 P.Hin ?...awè,awè...Mins i n'a bêcôp trop' di solo !...
 B.Vos n'inmez nin l'solo ?...
 P.Nin qwand dj'oûveûre !...
 B.Awè,dji comprind...Dimorer à d'vins qwand i n'a dè solo à d'foû !...
 P.Bon...Si ça n'vis djinne nin,nos polans-st-ataker !...
 B.Bin volti...par wice qui vos volez...
 P.A fêt...vos avez bin léhou l'anonce ?....
 B.Bin awè...poqwè ?...
 P.I n'aveût marqué : P.P.S.Ci n'esteût nin po rin !...
 B.A mins,si c'est çoula qui v'tracasse...n'ayîz nole sogne !...
 P.Kimint çoula ?....
 B.Dji n'vis vou rin catchî !...Dj'aveû -st-ine pitite crapôde qui n'supwèrtéve nin l'solo
mins èle m'a fêt wiyinme...èt dji l'a qwitè...mins dji lî a lèyî mi-apartémint !...
 P.Awè ?...mins hoûtez dji n'a d'keûre di vos-istwéres di foûme éclôse !...
 B.Nèni,nèni...mins c'esteût po v'dire qui dji v'djâse foû dès dints !...Mi,li solo ,c'est çou
 qu'dj'inme li mî...Dji so come Carla....bruni !....
 P.Awè,awè,dji n'di nin l'contrâve mins si dj'a mètou P.P.S. è l'anonce,c'est pacequi dji deû
 poleûr controler !...
 B.Mins,dji n'a qu'ine parole,Madame !...
 P.Dji n'dimande qu'à v'creûre !...adon,fez vèy !...
 B.Fé vèy ?...
 P.Awè...po vèyî d'mès prôpès oûys...fez vèy !...
 B.Mins fé vèy qwè ?...
 P.Hoûtez...dji v's-a dèdja dit qui dj'esteû tâdrowe !...
 B.Awè,çoula awè...
 P.Adon,ni m'fez nin co piède pus' di temps !...
 B.Escusez-m', mins....
 P.Alons,djan...Bodjîz vos solés !...
 B.Qui dji bodje mès ... ?
 P.Awè !
 B.Mins Madame ...
 P.Ni discutez nin !

B.Bon ,bon... I farè bin... C'est tél'mint málähèye di s'lodjî oûy !....
 P.Awè bon...èt adon...cès solés ?....
 B.Est-ce po d'bon ?...
 P.Po d'bon !...
 B.(ôtant ses chaussures) E bin,vola adon...
 P.Asteûre,vos tchassètes !...
 B.Mès tchassètes ?...
 P.Bin,c'est sûr...sins qwè dji n'sârêû vèyî vos pîds !...
 B.Vos volez vèyî mès pîds ?...
 P.Bin sûr..Fwért important !...
 B.Vos-î t'nez ?...
 P.C'est sûr !..C'est l'récène di nost'acwér !...
 B.Bin awè,mès pîds,c'est l'récène !...mins,dji v'zèl' di :sins mès tchassètes,mi rècène va-st-esse tote nowe !..
 P.Ca v'djinne ?...
 B.C'è-st-à dire qui....
 P.I n'a-st-iné carpète !
 B.Carpète ou nin carpète,ci n'est nin po çoula qui....
 P.Adon...on pô pus vite !...Dji deû ^{l'z'}-èksaminer !...
 B.Eksaminer ?...
 P.C'est sûr !...dj'a-stu r'fête pus d'ine fèye...adon asteûre,dji m'mèsfèye !...
 B.Bon ?Bon !...E bin,...pusk'èl fat bin...mins dji so tot honteûs !...
 P.Ci n'est nin tot l'minme li prumîre fèye qu'ine feûme veût vos pîds !...
 B.Nèni,bin sûr...ci n'est nin l'prumîre fèye...mins avou on r'wêteû come vos,ci n'est nin tos lès djoûs !...
 P.Adon ?...
 B.E bin adon...Dji sé bin qu'c'est bièsse...mins dji so come çoula... ...ça n'va nin tot seû...dji deû fé çoula..en confiyance...
 P.Ni v'nez nin fé dès complexes avou mi...Confiyance !...
 B.Awè...mins c'est deûr !...c'est bin pacequi i m'fat trover ine mohone qui m'convint !...A d'fêt...li couhène,èst-ce avou sès meûbes ?...
 P.Bin di qwè m'djázez-v' .. ?
 B.Bin c'est po saveûr...pace qui mi,dji moûr après lès bons-amagnîs !...
 P.Awè,bon !...Houtez,si vos èstez binamé et si v's -alez on pô pus vite,après,po v'rimerci,dji v's-invit'rè po dîner...ça va ?...
 B.O mins,dji n'vou nin fé l'glot !...
 P.Mins nèni...adon,insi,èstez-v' binâhe ?...
 B.Awè,awè...on po èwaré mins...binâhe !...fwért binâhe !....Mèrci,mèrci ...
 P.Adon,cès pîds,ça vint ?....
 B.Awè,awè,ça vint,ça vint....Après tot ,c'est l'prumî pas qui compte !...
 P.Tot djusse (il a ôté sa chaussette gauche)
 B.E bin,adon...vo-l'-la !...
 P.Awè,vo-l'-lacila a l'êr d'aller....
 B.A...cila v'convint ?....
 P.Awè,asteûre...l'ôte !...
 B.L'ôte ?....

P. Bin awè !...Enn'a deûs,nèni ?....

B.(ôtant la chaussette droite) A..awè....c'est vrêye !...Vos volez lès deûs...adon,vola l'ôte !....

P.Toûrnez-l'...

B.(tournant son pied) Vola... si çoula v's-intérèse,dj'a chal,so l'treûzinme deû,ine aguêce qui m'fêt dè má qwand l'timps
va candjî...

P.Bon..toûrnez l'ôte...

B.(même jeu avec le pied gauche) Insi ?...

P.Bon...ça va...

B.A...bin binâhe qui mès pîds conv'nèt !...Dji r'mète mès tchassètes ?....

P.A....nèni..ça disfêt l'bêté dèl djambe !....

B.Awè,c'est bin possibe mins mi,asteûre,dj'a reû bin volou fê ine pitite vizite !...

P.Ine vizite di qwè ?....

B.Bin,ine vizite dèl mohone !....

P.Ca v's-intérèse ?...

B.(étonné) Tot l'minme on p'tit pô !...

P.Nos veûrans çoula torade !...On n'est nin chal po passer s'timps !

B.Awè,mins....

P.Adon,bodjîz vosse vèston èt apontîz-v'...

B.Bodjî mi ?.... .

P.Bin,c'èst sûr !....
 B.Bin dji va-st-èsse en tchmîhe !
 P.E bin,vos l' bodjrez ossi !
 B.Awè,mins...
 P.Adon,dji fê doudouice avou vos ...Lèyîz-v' fé...Estez-v' todi ossi èmîssé ?...
 B.Awè...nouf fîyes so dîh !...Dji so vite djinné !...
 P.Nin avou mi èdon !...Tûzez qui dj'so l'doceûr !...
 B.Li doceûr,awè ...min tot l'minme !...
 P.(parlant comme à un enfant) Alez,alez... ni fez nin dès an'tchous...(elle l'aide à retirer son veston)) Wice èst-i,nosse bê p'tit stoumac ?;;;
 B.Nosse bê p'tit stoumac ?....
 P.Alez...lèyiz-v'fé (il a ôté son veston.Elle lui dénoue sa cravate) Vos n'estez pus ine èfant tot l'minme !...
 B.Djustumint !...c'èst po çoula qu'vos m'djinnez !....
 P.E bin adondis'moussiz-v' tot seû !...
 B.Qui dji ?....
 P.Houtez...Dji n'a mây rèscontré onk come vos !...Ci sèreût l'prumîre fîye,dji comprindreû !
 mins on veût bin qu'vos avez dèdja rôle vosse bosse !....
 B.Mi bosse,mi bosse....
 P.Vos-estez-st-iné ome,qwè !
 B.Awè...c'èst sûr mins...
 P.E bin adon....(elle lui tire la chemise du pantalon et lui palpe le ventre) O là,ci n'est nin fwért deûr çoula !...c'èst pus vite...moflas'...
 B.(se tortillant) Ouie,ouie...vos m'guétiz !...
 P.Bon.Tournez-v' (elle lui ôte complètement sa chemise en le faisant tourner et lui envoie deux grandes claques sur le dos qui le font sursauter). A,podrî,ça va mî !...
 B.A,vos trovez ?....
 P.I m'sonle...(elle le fait tourner) Mostrez-m' lès mitchots d'vos brès' !...
 B.(il lève un peu les bras en tentant de faire sortir les biceps) Come çoula ?
 P.Kimint ?...I n'a rin d'pus' ?....
 B.Bin,dji so-st'à stock !
 P.E bin,ci n'est nin co Cassius Clay !...Et pwis,bodjîz-m' çoula !...(elle lui ôte son tricot par-dessus la tête sans qu'il ait eu le temps de réagir)
 B.Mi p'tite camizole !...(il essaye de le retenir devant lui pour se cacher la poitrine)
 P.E bin,on pout bin dîre qui vos n'rawisez nin Popèye qwand il a magnî dè spina !...
 B.Awè mins ouy,lès légumes sont fwért tchîrs,savez !...
 P.Awè...vos èstez pus vite crâs come on p'tit pourcè,hin !...(elle le pince aux hanches)
 B .Awè...trop' di bons-afères,hin !...
 P.Atincion !....(elle lui tape sur le ventre) Vosse cwér,c'èst vosse mèstî !...
 B.Mi cwér ?...po gangnî m'veye ?...
 P.Bin awè,bin sûr !...Alez,bodjîz vosse pantalon !...
 B.Mi pantalon ?....
 P.Bin awè,vosse pantalon !...Ele fat !...
 B.Mins ,dji va -st-èsse tot nou !...
 P.Tot nou !..C'est çou qu'dji vou !...
 B.Tot nou,tot nou ?....
 P.Enfin,dji n'djâse nin chin'wès portant !
 B.C'est qui....çoula m'djinne vrêyemint !

P. Arèstez vos fristonfratches !...ni rouvîz nin qui vos avez-stu ine èsclave !...

B. C'est-à dire qui....

P.Et qu'vos alez fê bombance !....

B.Bombance ?....

P.Awè...li bombance da Spartacus !...Adon,dji you on visèdje qui r'glatihe !....Vos alez fê glèter vosse minton so lès gogoyes èt lès mamoyes !....

B.Lès gogoyes èt lès....

P.Awè...i-m'fat-st-on lofsteû d'prumîre !...

B.E bin, on pout dîre qui vos savez çou qu'vos volez ,vos !...Dji n'a mây rèscontré ine saquî come vos !...

P.Ca vous don dîre qui dji v's-ahaye ?....

B.A po çoula,awè...bêcôp,bêcôp....

P.E bin puski vos m'ahâyez-st-ossu,ça va -st-aler tot seû...Bodjîz vosse pantalon !...

B.(désignant son pantalon) Adon,dji va....

P.Bin awé...po-z-aveûr tot l'côp d'oûy !...

B.Tot l'côp ?....

P.Tot... !

B.Tot...tot nou d'vent vos,qwè ?....

P.N'ayîz nole sogné....Dès omes tot nous,dj'enn'a dèdja vèyou cinquante po l'mons !...

B.Cinquante ?....E bin vos avez d'veu ataker fwért djône !...

P.AwèDj'a-st-ataké à Brussèle et pwis dj'a v'nou à Lîdjé !...I n'a rin d'tél qu'ine vèye come Lîdjé po fê dès progrès !...

B.Awè...come li spo èl dit :c'est tot fôrdjant qui...

P.Tot djasse...adon,ni fez pus dès manîres !...

B.Bon..On-î-va ?....

P.Alez-î !...

B.Bon..Djèl bodje ?....

P.Bin awè !...

B.(il défait sa ceinture et se ravise)Mins..on moumint !...

P.Qwè ?...

B.(regardant autour de lui) Vos èstez sûre qui nos-èstans tot seûs ?....

P.Bin awè...qu'av' di keûre ?...

B.O..Bon ...Dihez,dihez,dihez !....

P.Qwè èco ?...

B.Pou-dj' wârder m'monte ?...

P.Awè si vos volez...

B.Pace qui,sins lèy...dji m'sintireû vrêyemint tot nou !...

P.Alez...dispètchîz-v' !... (elle sort)

B.(regarde autour de lui et ôte son pantalon avec précaution) E bin,si on m'aveût dit qui tot v'nant po louwer ine apartémint...(Palmire rentre avec un paquet à la main)

P.Adon ? A....tot l'minme !...

B.(iltient son pantalon devant lui et se désignant,pas fier)Awè...enfin...vola...(elle lui ôte le pantalon des mains)

P.Mins,qu'dj'arawe...vos n'avez rin come djambes !....

B.(regardant ses mollets) A..nèni...dji n'a qu'çoula !...

P.Bon..on f'rè avou !...(alors,elle ouvre le paquet et en sort une tunique très courte,qui s'accroche à une seule épaule,avec un cabochon.La tunique est garnie dans le bas d'une frange dorée comme certains abat-jour).Bon..mètez çoula !....Dji l'a trové à l'opèră !...
 B.Dihez ,dihez,dihez....Vos avez dès droles d'idêyes !...c'est po trover ...l'inspiracion ?....
 P.Bin awè...vos-estez chal l'instrumint...mi,dji so chal ...po crêyer !...(poussant un soupir de dépit) mins dji deu dire – sins voleûr vi fé dèl pone-dj'a dèdja vêyou mî come homo-erectus !...
 B.Erectus,erectus...Bin mon dju...on pout dire qui vos n'tchiktez nin vos !...
 P.A mins mi,djèl di plat'kizak...come djèl pinse !...
 B.(faisant aller et venir la tunique à la manière d'une cape de torero)Adon..èvôye po l'homo erectus !...mins dj'areu tot l'minme bin volou viziter divant tot çoula !...
 P.(elle lui met la tunique) Mins vos n'tûzez qu'à çoula !...Vos porez fé 'ne vizite après,si on a l'timps !...il est habillé et ridicule.Elle recule pour le regarder).E bin vola !...
 B.Di qwè a-dje-dju l'ér,mi,la d'vens ?....
 P.Ni v's tracassez nin po vost'ér,si ça m'convint po fé vosse pôrtrêt....
 B.A... vos alez tirer m'pôrtrêt ?...
 P.Awè..bon...alez...clintchîz-v'(Bérnard se penche en avant)
 B.Insi ?....
 P.Nèni...èn-èrî !...
 B.En-èrî ?
 P.Awè...
 B.Mins poqwè ?....
 P.Po vèyî kimint qu'dji –v'va prinde !...
 B.(sidéré) Mi prinde ?....
 P.Ni prinez nin cist'ér di boubièt !....Ca n'a may fêt dè mā à nolu !...Alez,coûkîz-v'la...
 B.La ? ... E mitan dèl plèce ?....
 P.La....so l'canapé !....
 B.Mins ni sèreût-ce nin mî...pus intime...è vosse tchambe ?...
 P.Nèni...mi tchambe èst trop p'tite !...
 B.O ...i n'a nin mèsâhe di tant d'plèce !...
 P.A..por mi,siya...dji deû m'ènonder...
 B.(il est debout devant elle) Dihez,dihez...mins vos èstez-st-ine tèribe,vos...ine tèribe !...
 P.Mins nèni...dji qwîre li mèyeûse dès posicions,c'est tot...
 B.Dj'inm'reû bin d'ataker tot fi dreût !...
 P.Mins mi,ça s'passe è m'tièsse...
 B.Awè,mi ossu...è m'tièsse...mins ôte-pô ossu !...
 P.Houtez,si vos volez qu'ça s'passe bin inte di nos deûs,lèyîz-m' fé...(elle le regarde)..A..vola...dji veû çou qui maké !...Alez...c'est tot..mètez-v'la...
 B.Awè...d'acwérd...Binamé...doudouce...il èst bin binamé,li p'tit tchin-tchin ... (Il est retrouvé au canapé et s'est assis.Elle rentre avec un casque romain).
 P.I m'sonléve bin qu'i makéve ine saqwè !...Vola...
 B.Ni pinsez-v'nin qu'ça fêt on pô Hollywood ?.....
 P.Alez,djans....mètez-l'...
 B.C'est bin po v'fé plèzîr !...
 P.(le lui mettant) A ..vola...c'est mî...bêcôp mî....Adon asteûre..coûkîz-v' !...

B.O awè !...avou vos !...

P.Qwè ?....

B.(la tirant) Awè...qui èst-ce qui va v'ni so l'canapé avou si p'tit romin ?....(il chante la fin de sa réplique et commence à l'enlacer)

P.Mins ça n'va nin,nèni !...

B.Mins siya !...Tout va très bien Madame la Marquise...fwért bin !...

P.Mins en fin...qui v'prind-t-i ?...lèyîz-m' ... !

B.I m'prind qui ça m'gostèye, mi !...

P.Mins,lachez-m' ...qu'èst-ce qui c'est po dès manîres !....

B.A....vos volîz on lofteû d'prumîre !...è bin...vos alez-t-èsse chèrvowe !...

P.Mins vos v'marihez !...

B.Dji m'marih mutwèt mins asteûre dji blame !...

P.Mins vos pièrdez l'tièsse !...

B.O awè...por vos...Dji v's-a mostré mès pîds...Bon !...Vos m'avez dismoussî..Bon..Vos m'avez métou cist'èmantcheûre...Bon...adon asteûre,fez vosse pris !...

P.Mi pris ?....

B.Awè...dji v'donrè çou qu'vos volez mins...alans-î !...

P.Mins lachez-m',vis di-dje !...

B.Jamay !...

P.Mins enfin,vos èstez bin v'nou po li p'tite anonce ?...

Sinne 3

(Bernard-Palmire-Louwise)

Louwise.(entre de sa chambre) Qwè ?...Qu'èst-ce qui dj'ètind ?...(à Bernard)Vos v'nez po li p'tite anonce ?...

Bernard. Bin,c'est sûr !...

L.(à Palmire) O...quéne afrontêye !....(à Bernard) ele mi hap'reût mès candes sins halkiner !...

Palmire. Bin !...

L.Tèhîz'v !...(à Bernârd) Mins qui fez-v' insi agad'lé ?....

B.Qui sé-dje don mi ?...C'est lèy qui m'a-st-oblidjî !...

L.Qwé ?...

P.Kimint ?...Vos n'èstez nin la po fé l'modèle ?....

B.Po fé l'modèle ?..Nin du tout !...

P.E bin..ça c'est l'feûte !...

L.Awè ça c'est l'feûte !...èt vos mèl payerez !...Mi prinde mès candes !...Chaskonk deût viker,c'est sûr mins tot l'minme,c'est trop fwért !...

P.(sortant) C'est foû dèl bonète !....

L.Awè,foû dèl bonète !...(à Bernârd) Vinez,Moncheû,vinez...

B.Wice çoula ?...

L.E m'tchambe !...nos sérans mî qu'chal !...

B.A...vos vèyez clér,vos !...Mins wice so-dje mi chal...wice so-dje ?...

L.A l'bone adresse,Moncheû.N'ayîz nôle sogne pace qui mi dj'atake todì avou dès èsplications èt pwis l'pratique vint après !...

B.Por mi,c'est l'pratique qui conte !...(Louise sort dans sa chambre.Bernârd sort derrière elle)A ...çoula...po ine anonce,c'esteût- st-ine anonce !...Ine fameûse !...

(Janète-Amadeus)

Janète.(entre ;elle porte maintenant sous sa robe,une paire de faux seins très voyant).Pusk' ènn'a treûs qu'ont dèdja v'nou,bin...li quatrinme,ci sèrè por mi(on sonne)...mins « c'est bien sûr »,come dihéve l'inspecteur Bourrel » !...(elle se regarde dans la glace).Et si avou çoula,ça n'va nin,è bin dji m'frè rinde mès çances paskî c'est scrît : « Pas satisfait...remboursée !... » (on resonne)

A...bin vite P.P.S.....(elle sort)

Voix d'Amadeus .Bondjou,Mamezèle !

Voix de Janète.Bondjou,Moncheû !

Voix d'Amadeus. Est-ce bin chal po li p'tite anonce ?

Voix de Janète.Awè,awè o awè...Intrez ! (Amadeus entre)

A.Merci bêcôp !

J.Mins atincion èdon...Vos èstez bin chal po...P.P.S. ?

A.Bin sûr !...

J.Adon,c'est clér :vos èstez por mi !...

A.Por vos ?....

J. O awè...èt dji pou minme dîre qui dji v'raward'héve !....

A.A bon ?....

J.Awè...minme qui dji trèfiléve !....

A.O..adon si dj'aveû sèpou,dji n'areu nin v'nou...largo...largo (il rit)

J.Kimint ?..

A.Bin awè...dj'areû v'nou allegretto...prestissimo (il rit encore plus d'un air entendu)

J.Awè mins houtez bin...po djâzer nos deûs,dj'inm'reu mi l'walon qui l'latin,savez mi !...

A.Vos- èstez-st-ine pitite comique,vos...Dji vou dîre qui si dj'aveû sèpou,dj'areû v'nou pus vite,qwè !...

J.E bin...vola...insi c'est clér !...

A.Pace qui,po-v-zèl bin dîre,i n'a lontimps qu'ça m'intèresse !...

J.O mins c'est Piron parêy por mi savez...

A.Awè,djèl sé bin !...

J.Kimint ?...vos l'savez ?...

A.Bin awè...puski vos avez mètou li p'tite anonce !...

J.Bin awè,c'est djuisse !...

A.Mi...dj'a dèdja studî totes lès régues !

J.Lès régues ?....

A.Awè...i-n'a dès lîves spéciâles,èdon,po çoula !...

J.Awè,awè...avou dès dessins èt dès fotos !...

A.Awè...wice qu'i fât mète sès mins...wice qu'i fât mète sès pîds ...

J.Awè...èt tot l'rèsse dè cwér !...

A.Adon..come tot èst bin èspliqué,on comprind tot !...

J.Awè...èt on èst bin sûr di fé come i fât !...

A.Awè..mins vola...lès régues,c'est bin mins ci n'est nin assez !...

J.A c'est sûr.. ;après...èl fât fé !....

A.C'est çou qui m'matante m'a dit ossu !...

J.Vosse matante ?

A.Awè...èl m'a dit : « I n'a rin d'tél qui d'èl fé ! »...

J.Ele a bin rèzon !...C'est bêcôp mi d'èl fé qui d'ènnè djâzer !....

A.Pace qui,mi,vèyez-v',ci n'est nin po 'nnè fé on mèstî...c'est surtout po passer m'timps !...

J.A,c'est sûr...avou çoula,ça passe bin !...

A.Mi matante èl dit ossu..èt po m'escourci,èle m'a promètou bêcôp dès çances !...

J.Mins c'est bin çoula !...

A.Mins kibin çoula va-t-i coster ?...

J.A,dji n'a nin co tûzé à pris !...

A.Mi dji n'a nole idêye...come c'est l'prumîre fêye !...

J.Li prumîre fêye !....

A.E bin awè..li tote prumîre fêye !...

J.Adon..vos n'avez may....

A.A nèni...jamây,jamây ...

J.E bin...dihez...mins quéne adje avez-v' ?...

A.Quarante ans !...

J.Awè...vos èstez-st- on pô tâdrou !

A.Awè ...mins qui volez-v' ...mi, Amadeus -c'est mi p'tit nom -- dji so-st- on pô tâdrou mins dji pou div'ni on champion,come l'ôte Amadeus qu'aveut-st-ataké tot èfant ...

J.J.Ine Amadeus...deûs Amadei...Arèstez...dji n'tinrè may li còp !...

A.Mins dji djâse dè grand Mozart ! !...

J.Mozart ou Mozette...dji sin qu'dji va piède mès hozètes...pace qui mi avou...c'est

l'prumîre fêye !...

A.Vos ?...a mins ci n'est nin possibe !....

J.Et poqwè nin ?...

A.Vos l'avez dèdja fêt puski vos avez mètou l'anonce !...

J.A...awè...çoula awè...mi...bin sûr...mins c'est l'prumîre fêye qui dji tome so onk qui n'l'a may fêt !...

A.Awè ?....Et çoula v'djinne ?...

J.Djinner,djinner,nèni.....ça n'mi djinne nin mins c'est pus vite...ine oneûr !...

A.Dji comprind...mins i fât portant bin ataker !...vos avez l'âbitude !...

J.Awè...mins nin avou onk qui c'est l'prumîre fêye...èt qui n'kinohe rin !....

A.I fât bin ataker par li k'mincemint !...

J.Ca c'est sûr....come on direût à tour di France,c'est-on prologue !...

A.Tot djusse !...

J.Et si nos volans ariver à Champs Elysées...alons-î...riloukîz-m' ...

A.Bin awèQwè ?...

J.Kimint qwè ?....

A.E bin...dji v'rilouke !...

J.E bin,kimint m'trovez-v' ?...

A.So qué rapôrt ?...

J.Mi cwér !...

A.O awè ...Nin mānin mā (regardant les seins) Vos avez tot çou qui fât !...

J.Al 'bone ?....

A.Awè,awè..nin mā vrêyemint (idem) Vos avez tot çou qui fât !...

J.Et mi ossu,dji n'vis trouve nin mā non pus !...

A.A bon..èt çoula compte ?...

J.Po lès régues nèni...mins po l'pratique !...pace qui,come on direût à l'A.L.E.,i fat-st-on courant inte di nos deûs !..

A.E bin awè...i m'sonle qui dj'èl sin passer !...

J.E bin..po v'dîre tot...mi ossu...dji sin qu'i passe !...

A. Adon,ça i èst...l'ovrèdje pout-st-ataker !...

J.Awè...i mèl sonle !...

A.Mins dj'inme mî di v'prév'ni...dji so-st-on pô poûri !...adon i m'farè k'heûre...i m' farè-st-ac'sègnî tot...tot....

J.Awè,awè...dj'a bin compris !..Adon,dji pinse qui l'mî,c'est di v'mète à l'ahe !....

A.A l'ahe ?....

J.Awè...lès moussemints,ça djinne !...

A.Ca djinne ?....

J.Awè...po lès mouvemints... I fat bodjî tot çoula !...

A.Awè?...vos pinsez qui ?....

J.Awè,awè...volez-v' qui dji v's aprinse,awè ou nèni ?....adon fé çou qu'dji di !...

A Awè...bon,d'acwérd !...(il ôte son veston tandis qu'elle lui dénoue la cravate).Mins c'est tot l'minme ine drole d'afère !...

J.Awè,mins mi c'est-insi qu'dji fê

A.Bon,bon..dji n'di rin !...

J.E bin vola...insi,dji v'veû mî !...Bon (elle lui déboutonne sa chemise)

A .Mins qui fez-v' ?...

J.Dji continowe,tins sûremint

A.Tot bodjant mi tch'mihe !...

J.Awè...po qu'vos sèyîz tot à fêt à l'ahe !...

A.E bin...si m'matante mi vèyéve !....

J.Awè ?...è bin,vosse matante,on l'li d'mandrè nin di v'ni !...(en défaisant sa ceinture) adon...asteûre..on bodje tot !...

A.Tot ?....

J.Awè,...tot ...

A.Mins vos volez rîre ?...

J.Nin co..mins ça va v'ni...alez..vite...houtez-m'... !

A.Bon,bon..mins si m'matante vèyéve çoula !...

J.Awè,awèmins lèyîz vosse matante wice qu'èle èst !...(Amadeus est en caleçon)

A.Vola !...

J.Bon...(elle s'approche de lui et lui met les bras autour du cou) Asteûre...bahîz-m' !...

A.Mi ?...

J.Awè

A.Chal ?...

J.Bin awè...

A.E bin...si m'matante mi vèyéve !....Avou lès çanses qu'èle mi va d'ner !...

J.Houtez bin...vos atakez à m'fé sôrti foû d'mès clicotes avou vosse matante !...Bahîz-m',vis di-dje !...(Jean l'embrasse sur la joue)

A.Vola !...

J.Mins nèni...nin so l'tchife !...So mès lèpes !....

A.So vos ... ?

J.Bin c'est sûr !...(elle s'accroche à lui et lui prend la tête ;elle l'embrasse sur la bouche)A awè...ci n'est nin m'a...Po onk qu'atake,c'est minme fwért bin !..

A.A ..awè...dji deû dîre qu'ataker insi,ça n'mi displêt nin !...

J.Awè !...c'est bingo !...(elle va le réembrasser quand Bernard rentre)

Sinne 5

(Bèrnard-Janète-Amadeus)

Bèrnard. : Mande èscuse co 'ne fêye di m'aveûr mari, savez, Madame...

Voix de Louwise : Awè, awè, c'est bon ...

Janète O...ine saquû !...Rawârdez...dji va-st-apontî m'tchambe !...(elle lache Amadeus et sort dans sa chambre.La porte se ferme.)

B.(voyant Amadeus) Moncheû...

A.(voyant Bèrnard) Moncheû ...

B.Ca va ?...

A. Ca va,ça va...mèrci...

B.Dji n'a nin mès bériques mins i-m'sonle qui...

A.Awè,Moncheû,dji so căsi tot nou...

B.A...dji n'saveû nin qu'aveût ossu dès-omes !...

A.Awè mins mi matante dit qui,po dès lèsons,ine feûme ou in -ome,c'est Pîron parèye !...

B.A...vosse matante dit çoula !...

A.Awè,èle dit qui çou qui compte,c'est lès pèdales...

B.Lès pèdales ?....

A.Awè...pace qui c'est avou lès pèdales qu'on fêt hign'ter l'instrumint !...

B.L'instrumint ?...

A.Awè...èt i parêt qu'c'est bêcôp mî avou quate mins qu'avou deûs !...

B.C'est todi vosse matante qui dit çoula !...

A.Awè...mins mi,dji n'a may sayî...mins si vos volez,nos polans sayî nos deûs !...

B.A,nèni,nèni !...Mins căsi tot nou come vos èstez,vos trouv'rez sûr ahèyemint ine ôte

pantaloni qui l'meûne !...

A.Damadje...pace qui nos deûs,nos arîs fêt on bê concerto !...

B.Eco mèrci...mins mi,dji n'djowe nin di ç'musike-là !...

A.Mins adon,qui fez-v' chal ?...Vos rawârdez l'ôtobus ?...

B.Awè...c'est çoula...mins dji m'a sûr divou tromper pace qui mi, dji n'habite nin cisse sôr di

gare !...

Sinne 6

(Bièstrand-Amadeus- Bèrnard)

Voix de Janète :A vos !...dji ,v's-a-st-assez vèyou !...(elle pousse Bièstrand qui entre en caleçon avec son chapeau sur la tête)

Bièstrand :C'est dèl fate dè pèkêt !... (La porte se ferme.Voyant, les deux autres)Mècheûs !...

Amadeus :Moncheû...

Bièstrand :Mècheûs,si vos m'vèyez insi agat'lé...

Bèrnard :Et mi ossu...

Amadeus :Et mi ossu...

Bièstrand :C'est qu'dj'a v'nou po li p'tite anonce....

Bèrnard : A nèni,a nèni...mande èscuse...po l'anonce,c'est mi...

Amadeus :A nèni...pèrmètez ,Mècheûs...mins po l'anonce,c'est mi !...

Sinne 7

(les mêmes + Spartacus)

Spartacus(entre) :Qwè ?...Qu'est-ce qui dj'ètind ?....Vos v'nez po li p'tite anonce ?...

Bèrnard : Awè,mi !...

Amadeus : Nèni,mi !...

Bièstrand : A nèni...c'est mi !...

Sp : Adon çoula,c'est l'boukèt !...

Bièstrand : Awè...c'est çoula...vola

Sp. :Qwè ?...

Bièstrand : (montrant ses fleurs sur la table)Li boukèt !...C'est l'meûne !...Adon,c'est mi,po

l'anonce !...

A.Mins nèni !....

Bèrnard :Puski dji v'di qu'c'est mi !...

Sp. :Et mi,dji v'di qu'c'est mi !....(les trois hommes sur lui)

Bèrnard,Bièstrand,Amadeus (ensemble) :Jamay,jamay !...

Sp. Mècheûs,mècheûs...Tot doûs,tot doûs ... (il sort un carton de son slip) Li prouve qui c'est

mi !...Vochal mi carte dë sindicat !...

Bèrnard : E bin,dji n'saveû nin qui faléve-t-esse à sindicat po 'ne locacion !...

Sp. Siya Moncheû,i fât !...Po 'ne locacion à l'eûre ou al djoûrnêye,i fât-esse à sindicat !....

Bèrnard :Minme po louwer à meûs ?....

Sp. Awè Moncheû ...i fât !...

Amadeus :Mins qwand on n'l'a mây fêt ?...

Sp.C'est l'règlumint :i fât-esse à sindicat divant d'ataker !...

Bièstrand : E bin,mi,Moncheû...dji n'a mây volou èsse à sindicat pace qui....

Sp.Qwè ?...qu'ètind-dje ?...ça vout dîre qui nouk di vos treûs n'est-à sindicat ?....

A.Nèni Moncheû !...

Bièstrand :Et nos 'nn-èstans fîrs !...

Bèrnard : A çoula,c'est bin vrêye !...(ils se serrent tous les trois la main)

A.Bin vrêye !...

Bèrnard : Adon,Mècheûs...achiyans nos èt djazans !...(ils s'asseyent tous les trois sur le canapé)

Sp . Mins adon,si vos n'estez nin à sindicat...vos èstez dès amateûrs !...

Bèrnard (se lève et désigne le salon d'un geste ample) Awè...tot djusse...dji so-st-amateûr !... (il se rassied)

A.(se lève) Mi ossu,dji so-st-amateûr !....

Sp.Nin à sindicat èt casi tot nous !...A çoula,vos l'alez payî !...

Bièstrand (aux deux autres) :Nos inm'rîs bin d'veyî çoula,nin vrêye ?....

A. A çoula c'est sûr !... (il se rassied)

Bèrnard : (se levant) Moncheû,lèyîz-m' vis-èspliquer...

Sp. Rin à fé !...Vos èstez dès caleçons foû dès lwès !...

Bèrnard :Et mi,Moncheû,dji so foû d'mi !... (Il se rassied entre les deux autres .Les trois se tordent de rire).

Sp. (à Bèrnard et à Amadeus) Et mi,Mècheûs...dji so-st-on caleçon sindiqué...qu'a r'çu co traze mèdayes d'vins lès pus grands concours ... (à Bièstrand) Mins vos,Moncheû...caleçon comique...tot djusse bon po l'fôre à Lîdjé,avou vosse tchapê à la Zozo !...

Bièstrand : Dj'a-st-on gros freûd !...

Sp. On gros freûd ?...adon ça va... (à Amadeus) Et vos,avou vosse caleçon da Mathusalem !..

A. Awè mins normalemint,dji n'divreû nin l'aveûr !...

Sp. Kimint çoula ?...

A. Pace qui cès deûs Mècheûs sont-st-arivés djasusse qu'ine piyânissee mi l'aléve bodjî !...

Sp. A çoula candje totsi c'est po l'musike....fa,sol,la,mi ,ré..caleçon liberté !...

A.Fa,sol,la ,mi,do...dji v'rimercihe bêcôp !...

Bèrnard : (se levant) Dji-m' prezinte : Bordier !...

Sp . Estchanté ... Spartacus !...

Bèrnard : C'est-on nom qu'dj'a dèdja ètindou !...

Sp. E bin,c'est mi !...

Bièstrand (se levant) A nèni,po l'anonce,c'est mi !...

Bèrnard A nèni...c'est mi !...

A.A nèni,c'est mi !...

Sp.Mins puski dji -v'di qu'c'est mi po l'anonce !...

Sinne 8

(les mêmes + Gabriyèle)

Gabriyèle(elle entre) Mins qu'est-ce qui c'est po 'ne arèdge ?(voyant les quatre hommes)O ...O... qwate omes tot nous è m'mohone !...E m'mohone !...est-i possible ?...mins c'est Byzance,c'est Byzance !...

Bèrnard : (se présentant) Nèni,nèni...Bordier !

G.Et minme on romin !....A ...si seûl'mint nos-èstîs-st-al campagne !...Mins Mècheûs,pou-dje vis d'mander çou qu'vos fez è m'mohone insi fah'nés !(les quatre hommes avancent ensemble vers elle)

Tous les quatre (ensemble) :Dji so là po li p'tite anonce !...

Sp.Nèni,mi...

A. C'est mi !...

Bèrnard : Nèni,mi !...

Bièstrand : Nèni,puski c'est mi !...

G.Mècheûs,Mècheûs...dji v's-è prête !...Keû,keû !...Si vos m'potchîz d'zus turtos èssonle,dji n'tinrè may li còp !;;;

Sp.Enfin,grande Zèzette,vos avez bin mètou ine anonce ?...

G. Bin awè....po louwer m'mohone !...

Bèrnard : Adon,c'est mi !...

G.E bin...èl fât dîre... 750 Euros,ça va ?....

Bèrnard :D'acwér'd,dji prind !...

Sinne 9

(les mêmes + Palmire)

Palmire (entrant-A Bèrnard) : Kimint ?...Vos èstz co là,vos ?....

Bèrnard :Awè...dj'a louwé...èt vos polez d'mani chal tant qu'vos volez.... en tout bien tout honneur,naturélemint !...

P.Adon,vos f'rez l'modéle por mi ?...

B.D'vens totes lès pôsicions qu'vos vôrez !...

P.Adon...Alans-î...Vinez...Atakans sins piède nou temps !...(Elle sort)
 B.Mutwèt qu'ele va prinde gosse à mi p'tit cwér !...(Il sort derrière elle)
 Sp. E bin,èt mi adon ?....
 G. 750 Euros...avou l'tâve èt l'lodjemint...ça v'va ?...
 Sp. Mins po fé qwè,Zèzette ?....
 G. Gârdiyin !...
 Sp.Gârdiyin d'qwè ?....Po wârder qui ?....
 G.E bin...mi !...
 Sp.Martchâ bouhî !...Ca rote !...(ils se tapent dans la main)
 G.Sûvez-m' !...(elle sort)
 Sp.Por mi,èle a pris gosse tot m'frotant l'cwér...mi cwér di Spartacus !...(il sort derrière elle)
 Bièstrand :Et vos,vos èstez là po qwè ?...
 Amadeus :Mi ?...po dès lècons !...(Janète entre)
 B.Dès lècons d'qwè ?...
 A.Di piyânô !....avou lèye...on vint tot djusse d'ataker !...

Sinne 10
 (Janète-Louwise-Bièstrand-Amadeus)

Janète :Tot djusse...Et on va continouwer !...Mins tot djazant d'piyânô,dj'î tûze... (Louwise entre)...Tinez...vos arrivez à l'idèye !...(tenant la lettre sur la table)..I-n'aveût-st-ine lète por vos(Louwise prend la lettre,l'ouvre et la lit)

Louwise : A,bon !....
 Bièstrand :Adon,si dji comprind bin,c'est mi qu'est r'fêt : bërwète !...
 Janète :Qui volez-v' ?...Tot l'monde ni pout nin gangnî à l'loterèye !...
 (à Amadeus) A,twè !...On va vèy çou qu'on va vèy !...divins mès brès' ...
 Amadeus : Di tote manîre,dji porè dîre à m'matante qui dj'a-st-ataké l'piyânô...puski dj'a dèdja fêt ine touche !...(il sort en portant Janète)

Louwise :Youpee !...
 Bièstrand :Qwè ?...Qu'i-n-a-t-i ?...
 L.(lisant) :Mademoiselle,Suite à votre annonce au tableau d'affichage,j'ai l'honneur de vous faire savoir que le Comité du Conservatoire vous a nommée professeur stagiaire ... Youpee !...
 B.Prôfécîyat' ...Mins pou-dje dimander si vos avez dèdja ine saquî è vosse vèye ?...
 L.O nèni,mins asteûre qui dj'a trové ine situacion,dji so sûre qui dji trouv'rè ahèyemint !...
 B.(reprend son bouquet de fleurs) Mins adon,pèrmètez-m' di v'diner ci p'tit boukèt !...
 L.O...mèrci,mèrci...Ca m'va dreût a coûr !..Vinez...nos l'îtrans mète divins on vase ... (elle sort)
 B.(sortant derrière elle) Mutwèt bin qu'ci sèrè tot l'minme P.P.S. !...

Sinne 11
(tous)

(Spartacus entre d'un pas précautionneux –Arrivé au milieu de la pièce, il jette un coup d'œil à gauche, puis un coup d'œil à droite et donne un vibrant coup de sifflet- Amadeus, Bièstrand et Bérnard sortent chacun de la chambre où ils se trouvaient et entourent Spartacus)

Spartacus : Mès amis, si dj'a bin compris, nos èstans, chal tos lès qwate, des victimes da P.P.S.

Amadeus : A..mi awé...P.P.S. pol'prumâ solfège !...

Bérnard : Et mi ossu..P.P.S. po prinde li solo !....

Bièstrand : Et mi ossu...P.P.S. po potchî sovint !...

Spartacus : C'est bin çou qu'dji d'héve ... Mi ossu...P.P.S. pîds prôpes seul'mint !...

Bièstrand : Awè... èt asteûre, nos èstans vrêyemint turtos des P.P.S... dès « passés po sots » !...

Bérnard : dès sots, mutwèt... mins dès sots qu'ont trové leû boneûr !... èt çoula, c'est-ine grrrande annonce !.... (il donne un vibrant coup de sifflet-Palmire accourt de sa chambre et bondit dans ses bras)

Palmire : O... mi p'tit P.P.S.

(Amadeus donne un vibrant coup de sifflet-Janète accourt de sa chambre et bondit dans ses bras)

Janète : O... mi p'tit P.P.S.

(Bièstrand donne un vibrant coup de sifflet –Louwise accourt de sa chambre et bondit dans ses bras)

Louwise : O... mi p'tit P.P.S.

(Spartacus donne un vibrant coup de sifflet –Gabriyèle accourt de sa chambre et bondit dans ses bras)

Gabriyèle : O... mi p'tit P.P.S..... Adon , avou eûne parêye équipe (indiquant des deux bras les personnages qui l'entourent).. èt avou on parêye public (indiquant le public dans la salle), aveût-i mî P.P.S. ?...

Les sept autres (interrogatifs) : P.P.S. ?...

Gabriyèle : Bin awé... Po passer l'swêrêye !....

(Une sonore marche nuptiale éclate... la scène est plongée brutalement dans le noir.... après quelques secondes, la lumière réapparaît : chacun des couples apparaît enlacé devant la porte de chaque chambre)

RIDEAU